

四庫全書

集部

欽定四庫全書

集部

四六標準卷

二十九
三十

詳校官庶吉士臣何道沖

主事臣呂雲棟覆勘

總校官進士臣繆琪

校對官助教臣羅萬選

謄錄監生臣郭坦

欽定四庫全書

四六標準卷二十九

宋李劉撰

倅

倅音翠說文副也副車曰倅周禮戎僕掌王倅車之政宋懲五季蕃鎮之弊乾德初下湖南始置諸

州通判命刑部郎中賈玘等充建隆四年詔知府公事並須長史通判簽議連書方許行下時大郡置兩員餘置一員州不及萬戶不置廣南小州有試秩充通判兼知州者正刺史以上及諸司使副知州者雖小郡亦特置掌倅貳郡政與長吏均禮凡兵民錢穀戶口賦役獄訟聽斷之事可否裁決與守通簽所部官有善否及職事修廢得舉刺以聞至景德宋興三十四年戶口寢息解州以滿萬戶置通判自是諸郡多滿萬戶矣宣和二午詔諸州茶鹽香礬並委通判建炎初諸州通判二員減一員

通潭州馬通判

赴寧鄉簿○潭州即今長沙府為楚黔中地秦置長沙郡漢為長沙

國晉永嘉初置湘州隋置潭州以昭潭得名寧鄉縣屬潭州在州西一百二十六里本漢長沙益陽縣地吳析置新陽縣改曰新康屬衡陽郡隋省入益陽宋析長沙縣地置寧鄉縣治故新康縣之王

潭鎮

榮膺宸綍顯貳价藩

詩价人維藩箋价甲也被甲之人謂卿士掌軍事者

千里展

長沙之平古稱清絕

韓詩長沙千里平杜詩湖南清絕地詳見前

別駕居刺

史之半今得仁賢

晉書庾亮答郭豫書曰別駕舊與刺史別乘同宣王化於萬里之外其任

居刺史之半安可用非其人績通典唐以堂吏朱儉廉為華州別駕給事中蕭倣駁曰別駕古為治中從事與

刺史同宣教化任居刺史之半豈宜以人吏兼副政先
之名杜詩半刺已翔翔東坡詩賴有風流半刺史

驅有嚴

司馬相如傳縣令負弩矢先驅

和氣已溢恭惟某官材猷凝遠

識度閎夷勲業終歸於伏波雲仍固在

杜詩勲業終歸馬伏波功曹非

復漢蕭何

方略何如於討虜風烈隱然

討當作捕馬武傳武字子張世祖從容謂

武曰吾得漁陽上谷突騎欲令將軍將之何如武曰駕怯無方略世祖曰將軍久將習兵豈與我掾吏同哉永平中圖畫南宮雲臺署曰捕虜將軍楊虛侯馬武久載休聲宜躋華貫尚屏星

之借重

說文車當謂之屏星韻會屏篁車蔽當也詳別見

使湘水之安流

湘水亦曰

湘灘一水而背流湘猶相也灘猶離也以言湘水有所合而離則違湘而南也互見前屈原九歌令沅湘兮無

波使江水兮安流沅湘即湘水以與沅水合故曰沅湘

清風明月之平分折瓊枝

而繼佩

清風峽在潭州嶽麓寺下明月山在潭州攸縣北九十里峰巒高聳月出即見上有衫仙廟靈

谷巖龍鬚灘巖前有井明月池在州城內世傳池在長沙星下故未嘗涸宋政和中嘗命取醴陵明月石置池上因名人但知風月平分為別駕事而不知清風明月為長沙山水其工如此離騷經折瓊枝以為羞兮又紉秋蘭以為佩

高蓋華軒之一丈齊王軼而竝馳

黃霸傳賜車蓋特高一丈

別駕主簿車緹油屏泥于軾前以章有德軾音第大計切說文車輶也又音大度奈切博雅車輪也韓魏謂車輪曰軾離騷經屯余車其千乘兮齊王軼而竝馳

邦國不空

王祥傳邦國不空別駕之功

公

侯必復

左傳公侯子孫必復其始

某失身副墨

易臣不密則失身司馬相如傳文君既失

身於司馬趙廣漢傳贊失身墮功山谷詩失身來作管城公莊子聞諸副墨之子注可副貳玄墨也食志

勾朱

羅隱詩金庭養真地朱篆勾稽官

綴簿上而趨閣前繞枝已久詩

點綴簿上字趨閣前鈴魏武帝短歌行月明星稀烏鵲南飛繞樹三匝何枝可依

采水中而擣

木末托陰方新

屈原九歌采薜荔兮水中擣芙蓉兮木末

尚徼風雨之幘幪

法言震風凌雨然後知夏屋之為幘幪也雷政虐世然後知聖人之為郭郭也

庶免塵埃之簞

楚

韓詩判司界官不可說未免簞楚塵埃中

通潭州張通判

履信○潭州已見

書生漫仕抗塵祭竈之卑

元結傳浪者亦漫為官乎呼為漫郎北山移文抗塵容而

走俗狀孫寶傳署寶主簿寶徙入舍祭龜請比隣詳見前

卜史涓期隸役題輿之下

說文卜灼剥龜也周禮府史注掌書者宰夫之職龜人史二人所謂卜史也漢禮樂志消選休成注消除也除惡選取美成者也謝承後漢書周景為豫州刺史辟陳蕃為別駕不就景題別駕輿曰陳仲舉坐不復更辟蕃惶懼

視職昉去民而就吏

公羊傳昉于此乎注昉適也齊人語昉甫兩切始也韓文登第于有

司者去民畝而就吏祿

持不肖以事賢恭承攝龜

衛宏漢舊儀二千石銀印龜紐

攝龜言

尤願前馬

越語其身親為夫差前馬注驅在馬前也

恭惟某官器資

凝遠德宇弘深

陸玩傳搢紳之徒莫不蔭其德宇法言其為中也弘深

紅蓮幕下

之婉謀

楊誠齋詩合於玉筍班中立却向紅蓮幕裏行選詩婉婉幕中畫

青草湖邊之

美製

長沙志南曰青草北曰洞庭所謂重湖山谷詩乙丑越洞庭丙寅渡青草左傳子有美錦不使人學

製

所立皆偉其他可知天道好還共擬公侯之必復

老子

其事好還好去聲還音旋餘見前

王事靡盬肯辭州縣之徒勞

見前

駕言

屏星

詩駕言出遊以寫我憂

戾止湘水

詩魯侯戾止亦是戾矣傳至也箋止也

平分

風月已歌邦國之不空

見前

暫建鼓旗更覺湖山之自得

韓詩傳建大將旗鼓

會趣長沙之召

賈誼傳以誼為長沙王太傅後歲餘文帝思誼徵之

登文石之班

見前

某副墨陋儒

荀子末世窮年不免為陋儒而已注陋儒言不知通

變也餘見上條

勾朱冗職

見上條

無虬螭之援奈何與上大夫而

言

韓文外無蚘蜉蚘子之援說文蚘蜉大螳也蜉或作螳說文螳蚘蜉也

非鸞鳳所棲此

豈為我等輩設

阮籍傳籍嫂嘗歸寧籍相見與別或譏之籍曰禮豈為我設耶惟倚幘

幘於厦屋庶寬筵楚於塵埃

並見前

通潭州吳通判

銓○潭州已見

歌海沂之別駕無路事賢

見前

詠臨邑之界棲涓辰效役

杜工部集臨邑舍弟書至苦雨黃河泛濫隄防之患簿領所憂因寄此詩詩云舍弟界棲邑防川領簿曹尺書前日至版築不時操敢以尺書之敬徹於再拜之先

韓文再拜獻書相公閣下

恭惟某官地望穹華

北史公孫表傳鴈門李氏地望懸隔

人門峻特

見前冠

切雲帶長鉞夙超四姓之侯

屈原九章帶長鉞之陸離兮冠切雲之崔嵬漢明帝

永平中為外戚樊氏郭氏陰氏吳氏諸子弟立學以非列侯故曰四姓小侯

佩明月懷連城

要是萬人之敵

屈原九章被明月兮佩寶璐山谷濂溪詩懷連城兮佩明月項籍傳學萬人敵

耳

舒翹綠水

柳文今之聖智莫不舒翹揚英推類援朋南史庾杲之傳汎綠水依芙蓉何其麗也

展足赤城

赤城山在天台縣北六里孫綽遊天台山賦赤城霞起以建標詳見前

盍歸乎

來何去之速峻溫洛滎河之直

述征記洛水底有礬石故水上無冰易乾鑿度

帝盛德之應洛水先溫七日乃寒五日變為五色玄黃尚書中候帝堯即位榮光出河文選青雲浮洛滎光塞

河易河出圖洛出書

分清風明月之平邦國不空足表監州之績

東坡詩欲問君王乞符竹但憂無蟹有監州

公侯必復益光著令之忠

吳尚傳贊

吳尚之起不失正道故能傳號五世慶流支庶有以矣夫著於令甲而稱忠也

卧而治之行且

召矣

見前

某崎嶇白戰

東坡詩當時號令君聽取白戰不許持寸鐵詳見前

漫浪朱

勾

見上條

不卑小官寧免塵埃之筆楚

見前

當詣大府尚希

風雨之幘幪

韓文以為當得躬詣大府受約束於下執事

代回衡州謝通判

衡州已見詳啓意蓋代月湖

曳革履之聲足容縮縮

鄭崇傳每見曳革履上笑曰我識鄭尚書履聲禮記足容重手

容恭擁綬屏之駕手畢渠渠

黃霸傳別駕主簿車綬油屏泥於軾前爾雅簡謂之畢注

簡竹簡也古未有紙載文於簡謂之簡札一名畢禮記
呻其佔畢癸辛雜志云宋子京用伏奉手畢南人謂筆
為畢謂但吟誦所視簡之文是謂簡為畢也詩於我乎
夏屋渠渠注渠渠猶勤勤也敢因謝緘并

致賀臆

臆乙力切說文胸骨也通
作意賈誼傳請對以意

恭惟某官人今而學

古齒宿而意新

新唐書李百藥傳百藥字重規七歲能
屬文太宗朝為宗正卿久之乞致仕帝

嘗與偕賦帝京篇歎其工手詔曰卿
何身老而才之壯齒宿而意之新乎徘徊金馬之門何

相見晚

東方朔傳待詔
金馬門詳見前

璫梁銀魚之佩曾不逾時

會要
唐永

歲二年開府儀同三司及京官文武職事四品五品並
給隨身魚袋咸亨三年始令京官四品職事五品佩銀
魚杜詩碧山學士焚銀魚白馬却走身岩居白樂天詩
魚佩葺鱗光照地鵲銜瑞帶勢冲天又魚綴白金隨步

躍鵬銜紅綬
遶身飛

泛綠水之芙蓉

見前栽赤縣之桃李
韓詩嗟我身為赤縣

令

茲展驥足乃在熊湘

見前

王祥垂年別駕之功始立

王祥

傳刺史呂虔檄為別駕祥年垂耳順虔委以州事時寇盜充斥祥討破之政化大行時人歌之曰邦國不空別

駕之功

東之雖老宰相之器固存

張柬之傳武后謂狄仁傑曰安得一奇士

用之仁傑曰荊州刺史張柬之雖老宰相材也詳見前

某見謂龍鍾

趙克國傳猶

共鳩僞

見前

迫壬戌赤壁之夢况已九齡

東坡赤壁賦壬戌之秋七月既

望蘇子與客泛舟遊於赤壁之下禮記夢帝與我九齡

同甲子絳縣之人幸成二

老

杜少陵與贊上人詩與子成二老來往亦風流東坡詩解組歸來成二老風流他日與君同

代回發州高倅

禾○發
州已見

鳳凰下千仞頗疑遙增擊而去之

賈誼傳鳳凰翔於千仞兮覽德輝而下之

見細德之險微兮遙增擊而去之師古曰增重也

鯉魚

中尺書乃有長相憶而遺我

古辭飲馬長城窟行呼兒烹鯉魚中有尺素書上言

加餐飯下

形骸更遠

說文骸脛骨也莊子今子與我游于形骸之內而子索我于形骸之

外不亦

臭味已同

見前

恭惟某官賦料凌雲

杜詩賦料揚雄敵司馬相

如傳相如既奏大人賦天子大說飄飄有凌雲氣游天地之間意

文成翻水

韓詩文如翻水成

排空直上合盛之白玉之堂

何遜詩何因生羽翰千里暫排空北文移文于青雲

而直上南史王惠傳靈運固自蕭散取勢斜飛亦宜在直上陳後山詩小却盛之白玉堂

青藜之館

劉禹錫詩青雲直上無多路却作斜飛取勢回王子年拾遺記劉向校書天祿閣有老人

黃衣植青藜詳別見

居然雞肋

後漢書楊脩傳雞肋食之則無所得棄之則如可惜詳見前

屈

此牛刀宜未折彭澤之腰已先盡剡川之興

王徽之傳嘗居山陰

忽憶戴逵逵時在剡便乘船詣之造門不前而反人問其故曰本乘興而來興盡而反何必見安道耶

空

願一塵於仁政竟違十乘於他邦何許飛鳧乃今展驥

聞及瓜之不遠知行李之鼎來

竝見前

某已薄暮齡宜收

朝蹟

韓詩足弱不能步自宜收朝蹟

聞有長麈尾固願再欵於名談

王導

傳導妻曹氏性妬導甚憚之乃密營別館以處衆妾曹氏知將往焉導恐妾被辱遽令命駕猶恐遲之以所執麀尾柄驅牛而進司徒蔡謨戲導曰朝廷欲加公九錫導弗之覺但謙退而已謨曰不聞餘物惟有短轅犢車長柄麀尾王衍傳衍妙善玄言惟談老莊為事每捉玉柄麀尾與手同色何當大刀頭却恐寢疎於良覲

古詩藁砧今何在上山復有山何當大刀頭破鏡飛上天

代回肇慶方倅

信孺見第二十五卷方提刑條○肇慶已見

託先世之游從淒其一夢

詩淒其以風注淒寒風也杜詩白首颯淒其東坡詩三十

三年真一夢

見通家之姓字粲若尺書

孔融傳融答李膺曰先君孔子與君先君

李老君同德比義而相師友則融與君累世通家

似聞逸氣之無前尤喜故人

之有後恭惟某官禔身膚敏

禔音提說文衣厚法言其為中也弘深其為外也肅

括則可以禔身矣

發聞芳馨頃冒甚危之機肯使不測之險

蓋寬

饒傳用不訾之身臨不測之險注不測謂深也宋史方信孺傳自春至秋使金三往返以口舌折強敵金人計

屈情

迄從權變復合和親

要敬傳使敬往結和親約

奈何衆口之難

調

東坡詩酸醢不堪調衆口

責以一言之相應

馮唐傳終日力戰斬首捕虜上功幕府一

言不相應文吏以法繩之其賞不行方信孺傳信孺還言敵所欲五事舉其四其一不言韓侂胄厲聲詰之信孺徐曰欲得太師頭耳侂胄大怒奪三秩臨江軍居住

忠無不報

鄒陽傳忠無不報信不見疑

事久益明果復舊瓊遙紆新組治中展驥足才即應於

時須

杜詩管葛亦時須

池上有鳳毛美更觀於世濟

杜詩欲知世掌絲綸

美池上于今有鳳毛信孺從祖廷實政和間進士父崧卿隆興間進士

某偶然浪出

杜詩龐公

然浪出蘇氏今有之

頗似倒行

史記伍子胥傳吾日暮途遠吾故倒行而逆施之主父偃傳吾日暮

故倒行綠槐十二街此非佚我老之計

中朝事迹云天街兩畔槐樹俗

號為槐街白樂天詩下視十二街綠槐間紅塵韓詩綠槐十二街渙散馳輪蹄愚惟慙書生孤身無所齎莊子大塊載我以形勞我以生佚我以老息我以死白髮三千丈行當致為臣而歸

李詩白髮三千

丈緣愁似箇長

代回撫州魏倅

峴○撫州已見○此啓蓋代月湖魏倅求援而月湖答以此啓

伏勤專价

价通作介一夫曰介左傳一介之使

見畀屬辭

禮記屬辭比事春秋教也

試

乞巧於天女孫則為宜耳

乞巧文柳子夜歸有設祠者

且拜且祈怪而問焉女隸進

曰今茲秋孟七夕天女之孫將嬪於河鼓邀而祠者幸而與之巧為是禱也柳子曰苟然歟吾亦有所大拙倘可因是以

顧求福於木居士不亦左乎

木居士廟在衡州來陽縣鼇口

寺韓文公題詩云火透波穿不計春根如頭面幹如身偶然題作木居士便有無窮求福人羅隱詩云鳥噪殘陽草滿庭此中枯木似人形只應水物長為主未必浮槎即有靈八月風波飄不去四時黍稷薦惟馨南朝庾信無因賦牢落祠前水氣腥宋元豐初來陽令禱雨無應折而薪之今所祀者乃寺僧再刻也宋鄭景望蒙齋筆談云昌黎木居士詩蓋有所為來陽令伐而焚之東坡在黃州聞而喜曰木居士之誅固已晚矣世間乃有

此明眼人乎過丹霞遠矣後主寺者利其祭餘復做其
像刻之張芸叟謫郴州過而見之題詩云波穿水透本
無奇初見潮州刺史詩當日老翁終不免後來居士欲
奚為山中雷雨誰宜主水底蛟龍自不知若使天年俱
自遂如今已得非所蒙陳後山詩呼我過其廬所得非所蒙願竊有復禮記

若有告者曰少恭惟某官世濟其美材稱乎官一同甚
間願有復也

敏於割雞淮南子古者天子一歲諸侯一同司馬法曰十成為終終十井十終為同同方百里萬井

半刺即觀於展驥有渥題輿之寵何待推轂之功見前

即人而人即之行且召矣即就也野王二老傳即人者人亦即之東坡答山谷書此

人如精金美玉不即人而人即之其求士甚士求我蓋亦有焉東坡錢塘勤上

人詩集序太子少師歐陽公好士為天下第一士某既有一言中於道不遠千里而求之甚於士之求公

受一廛當迎別駕比何武之薦龔舍則恐過情何武傳武為人

仁厚好進士獎稱人之善為楚內史厚兩龔在沛郡厚兩唐及為公卿薦之朝廷此人顯於世者何侯力也注

兩龔龔勝龔舍也兩龔傳大司期魏謩之繼鄭公所當空何武薦勝勝薦舍有詔皆徵

拭目新唐書魏謩傳贊謩之論議挺挺有祖風烈詩所謂是以似之者與

代回處州董通判居誼○處州已見

一官藏拙焉知賢才而舉之國史典纂梁常侍徐陵聘齊時魏收有文學北朝之

秀收錄其文集以遺陵令傳之江左徐還濟江而沈之從者問之曰吾為魏公藏拙韓詩倚玉難藏拙吹竽久

混真三載陟明不如鄉人之善者

尚書三載黜陟幽明

冒焉刻去何

以謝為恭惟某官敏手決科

山谷詩敏手擘泰華法言須以發策決科

潔身

從政君門不可以徑寧緩其驅

韓文君之門不可逕而入兮又無疾其驅

公

事之了雖癡姑行所學

傳咸傳楊濟與咸書曰天下大器非可稍了而相觀每事欲了

生子癡了官事官事未易了也了事正作癡復為怪耳

事常出乎名上材益展於

治中足應時須敢孤歲舉需章比入

蔡邕獨斷凡羣臣上書於天子者有

四名一曰章二曰奏三曰表四曰駁議章者需頭奏者亦需頭表者不需頭詳見前

巽牘鼎來

需比

巽鼎四卦名

顧恐將去齊之情莫酬復望蜀之意

光武賜岑彭書人苦

不知足既得隴復望

某余髮如此

左傳余髮如此種種余奚能為

歸志

浩然儀圖之莫助之漫將短綆

綆索也荀子短綆不可以汲深井之泉韓詩汲

古得修綆

匪報也為好也聊實空函

見前

代回單通判

端已○詳啓意單乃故人子謝其相訪故有此答

識中散於未仙知音者寡

嵇康傳康有奇材遠邁不羣拜中散大夫常修養性服食

之事以為神仙稟之自然非積學所得至於導養得理則安期彭祖之倫可及東坡詩何人更識嵇中散野鶴昂藏未是仙詳別見

思元賓而不見訪別其孤

韓文思元賓而不見見元賓之所與

者則如元賓焉

報謁良勞贈言尤寵恭惟某官槐根之芷蘭茁

其芽

俱見前

題別駕之輿少紆轍跡

老子善行無轍跡

聽文昌之

履會振家聲

見前

疑只在於山中

賈島詩松下問童子言師採藥去只在此山中

雲深不知處

遂徑造其竹下

王徽之傳時吳中一士大夫家有竹欲觀之便出坐輿造竹

下諷誦良久主人洒掃請坐徽之不顧將出主人乃閉門徽之便以此賞之盡懽而去南史袁粲傳郡南一家頗有竹石粲率爾步往亦不通主人直造竹所嘯咏自得主人出語笑欵然俄而車騎翼儀併至門方知是袁尹亦既見止萬金之產不虛

詩未見君子憂心忡忡亦既見止亦既覯止我心則

降韓詩吾老著讀書餘事不掛眼有兒雖甚憐教示不免簡君來好呼出踉蹌越門限留君住廳食使立侍盤饌薄暮歸見君迎我笑而莞指渠相賀言此是萬金產吾愛其風骨粹美無可揀何以贈之兼

乘之珠相比

詩我送舅氏曰至渭陽何以贈之路車乘黃史記魏王謂齊威王曰若寡人國小尚有徑寸之珠照車前後十二乘宋書劉孺七

歲能屬文父嘗謂賓客曰此吾家明珠也

某愧無瓊

報徒辱珍投書門前之一死一生客則陋矣

史記汲鄭傳贊始翟

公為廷尉賓客開門及廢門外可設雀羅翟公復為廷尉賓客欲往翟公乃大署其門曰一死一生乃知交情一貧一富乃知交態一貴一賤交情乃見汲鄭亦云悲夫東坡錢塘勤上人詩集序昔翟公罷廷尉賓客云云余嘗薄其為人以為客則陋矣而公之所以待客者獨不為小哉

坐足下而三熏三沐

愛莫助之

齊語三疊三浴之注以香塗身曰疊疊或作熏韓文方將坐足下三浴而三熏之聽僕之

所為少

安無躁

代回臨江鄭通判

元鼎○臨江已見

奉詔舉賢幸不負公車之積

史記東方朔初入長安至公車上書凡用三千奏牘

公車令兩人共持舉其書僅然能勝之師古曰公車令屬衛尉上書者所詣也

開緘見面真乃

題別駕之輿

盧仝詩開緘宛見諫議面

揣力則綿

嚴助傳絲力薄材

摘文何

綺

文選高談一何綺

恭惟某官材猷膚敏器度浚明君子學道

愛人已之無愠廉吏謹身率下去則見思

循吏傳皆謹身帥先居以

廉平所居民富所去見思

意一鶚之可言忘匹雛之無力此亦公舉

殆非私謝之求

談賓錄唐證聖中劉奇為侍郎注張文成司馬鏗為御史二人因申屠錫以謝

奇正色曰舉賢無私何見謝

所愧外除無復裏言之助猥勤泥軾更

枉緹函

並見前

某歸老杜門味言推轂

鄭當時傳其推轂士及官屬丞史誠

有味其言也

治中展驥足豈徒風月之平分

見前

池上有鳳毛

即看雲霄之獨步

杜詩池上于今有鳳毛

代施倅

編

回邵州王倅

祖姦○邵州即寶慶府漢為長沙國昭陵縣東漢屬

零陵郡吳置邵陵郡屬荆州即今郡是也晉武改

昭陽曰邵陽縣隋廢郡地屬潭州唐置南梁州改

為邵州宋乾德間升為中府以理

宗潛藩升寶慶府以邵水得名

裏緹命駕

黃霸傳別駕主簿車緹油屏泥於軾前

引綬露章

朱買臣傳引其綬視其印

會稽太
守章也
湖南二邵之豪雄今稱第一
二邵謂邵陵
江左

諸王之奇俊顧屈平分
東坡詩江左
下車之初載路相

慶
詩厥聲載路沈休文碑
恭惟某官典刑炳蔚才諳浚

明榷枏大厦之材久於聳壑
司馬相如傳榷枏豫章師

今黃榷木也枏音楠即交讓木其木直上柯葉不相妨

南史陸慧曉傳此木便是交讓俗作楠新唐書房玄齡

傳高孝基名知人謂裴矩曰僕觀人多矣未有

如此郎者當為國器恨不見其聳壑昂霄云
瑚璉清

廟之器何乃潤山
荀子玉在山而草木
滿期留中還又

補外
安帝紀永初二年詔上尚
厥為濱水尚存漁父之

書公府通調令得外補

欽定四庫全書

四六標準

十四

滄浪

滄水在州北源出靖州綏寧縣至此合邵水禹貢九江孔殷潰其一也

匪直海沂可

養公台之度量

王祥傳徐州刺史呂虔擢為別駕時人歌之曰海沂之康實賴王祥虔以佩刀

贈祥曰苟非其人刀或為害卿有公輔之量故以相與

飛騰由此翹企俟之

溫嶠傳州

之文武莫不翹企涼武昭王傳延首雲極翹企遐方

某再轉無庸同寅有幸託交

承於前政不但為瀟湘之故人

許渾詩瀟湘逢故人詳見前

話契闊

於期年渾未隔京華之舊夢

詩死生契闊傳契闊勤苦也從生至死契闊勤苦而

不相離後漢書范丹傳行路倉卒非陳契闊之所王隆

傳契闊夙夜庶不懈怠注契闊謂辛苦也沈約傳契闊

屯遘困於朝夕南史謝朓傳契闊戎旃從容讌語晉書

會稽王道子傳阿衡二世契闊王家劉焯傳贊崎嶇寇

難契閭艱虞梁書王茂傳綢繆休戚契閭中夷柳慶遠
傳契閭禁旅重牧西藩蕭穎達傳契閭屯夷載形心事
張弘策傳自藩升朝契閭險阻鄭紹叔傳契閭藩朝情
績顯著呂珍傳與朕契閭情兼屯泰侯景傳契閭夷險
魏武短歌行契閭談讌心念舊恩陸機詩安得攜手俱
契閭成駢服盧諶詩契閭百罹杜詩青雲猶契閭又白
首甘問兩鴻鵠諒歸詔之鼎來翟方進傳童謡曰反乎
契閭覆陂當復誰云者兩黃
鵠注此言有神來告之遺雙鯉魚覺報章之不腆見前

代回紹興史倅

紹興秦為會稽郡漢屬江都國東漢以浙西為吳郡浙東為會稽郡

晉因之隋改為越州唐改會稽郡又為越州宋南渡後陞紹興府今因之○詳啓意史倅蓋彌遠從子

策驥足於治中方開軌轍

文選古詩何

棲燕巢於幕下

正託幘幪

左傳季札謂孫林父曰夫子在此猶燕之巢於幕上

曾望履之未遑乃

鳴謙之先辱

見前

藏固深於十襲

關子宋之愚人得燕石於梧臺之東歸而藏之

以為寶革匱十重緹巾十襲客見之拊口而笑

報敢廢於七襄

詩政彼織女終日七襄

恭

惟某官天分素高人門具美

並見前

焜煌相業接王家三

樹之槐

焜戶家切說文煌也增韻焜煌光也或作煇司馬相如傳煥炳輝煌又公渾切服虔曰明也煌

胡光切說文煇也新唐書王勃傳勳勵皆著才名故杜易簡稱三珠樹東坡三槐堂銘序故兵部侍郎晉國王公嘗手植三槐於庭曰吾子孫必有為三公者已而其子魏國文正公相真宗皇帝魏公之子懿敏公以直

諫事仁宗皇帝銘曰魏公之業爛漫世科掩竇氏五枝

之桂

爛郎肝切詩爛其盈門箋爛爛粲然鮮明且衆多之貌范文正公竇諫議陰德記竇禹鈞范陽人生

五子儀儼侃偁僖儀禮部尚書儼禮部侍郎皆為翰林學士侃左補闕偁左諫議大夫參知政事僖起居即世稱教子者必曰燕山竇十郎云馮瀛王道贈公詩云燕山竇十郎教子有義方靈椿一株老丹桂五枝芳宜

自庭階之秀

謝玄傳譬如芝蘭玉樹欲使其生於庭階耳

徑躋臺閣之崇

後漢

黃瓊傳初瓊隨父在臺閣習見故事及後居職練達官曹爭議朝堂莫能抗奪

要津顧厭於立

登

杜詩自謂頗挺出立登要路津

佳境不辭於漸入

世說顧凱之為虎頭將軍每食蕉自

尾至本人或問之曰漸入佳境

鳴琴單父已昭利器之功別駕海沂更

養佩刀之望有來易地益近去天

前並見

萬壑千巖暫煩

接應

顧凱之傳荊州人問會稽山川之狀凱之云千巖競秀萬壑爭流草木蒙籠若雲興霞蔚世說王子敬云從山陰道上行山川自相映發使人應接不暇若秋冬之際尤難為懷

清風明月真足

平分長史有宰相之材寧無識者

張柬之傳武后謂狄仁傑曰安得一奇士

用之仁傑曰荊州長史張柬之雖老宰相材也詳別見

羣從繼叔父之烈行即見

之

世說一門叔父則有阿大中郎羣從兄弟則有封胡羯末詳見前

某一拙百罹十趨

九蹶未了癡兒之事復蒙華使之咨

前見

一水相望悵有

同於蓬弱

望平聲東坡詩蓬萊在何許弱水空相望

五雲借潤幸不棄於管

茅音姦詩英英
白雲露彼管茅

代回道州宋倅

蒙○道州已見詳啓意蓋代月湖月湖除工書而來啓設為兵書故

有馬曹之答

司臬罔功躡陞堆正

臬法也尚書汝陳時臬事

發函得教似是馬曹

吳質書發玉伸紙教猶令也張敞傳使主簿持教又并編敞教王徽之傳為車騎桓冲騎兵參軍冲問卿署何曹對曰似是馬曹又問管幾馬曰不知馬何由知數又問馬比死多少曰未知生馬知死東坡詩微官似馬曹

歸斯受之告者過也恭惟某官抱負甚偉揚歷益深酌

別駕一杯之清

隋書循吏傳趙軌河南洛陽人也少行檢為齊州別駕有能名在州四年考

續連最持節使者邵陽公梁子恭狀上高祖嘉之徵軌
入朝父老相送者各揮涕曰別駕在官水火不與百姓
交是以不敢以壺酒相送公清如水請酌一杯水奉餞軌受而飲之
試春陵二三之策
山谷

唐崖碑詩臣結春陵二三策臣甫杜觴再
拜詩安知忠臣痛至骨世上但賞瓊琚詞
佇觀驥展會

即雄飛

後漢書趙溫字子柔為京兆郡丞數
曰丈夫當雄飛安能雌伏遂棄官去

某久覺龍

鍾又共鳩僦

並見前

甲兵之問不至乃所願聞

韓文錢穀
甲兵之問

不至於
廟堂

山林之味更長奚其不去

代回黃通判

學○亦
代月湖

題別駕之坐君子宜之

詩左之左之君子宜之
右之右之君子有之

戀屬車

之塵老夫髦矣

司馬相如傳犯屬車之清塵注塵謂行而起塵也左傳老夫髦矣無能為也

鼎來郵問益仞隣光

鼎益卦名

恭惟某官早策名躋宸儀華

路文章爾雅猶存元祐之故家

儒林傳文章爾雅訓辭深厚師古曰言詔辭雅

正而深厚也

風采老成不減貞元之朝士

黃霸傳風采不及丙魏于定國元稹

詩屈指貞元舊朝士幾人同見太和春

小淹驥展佇即雄飛某密託粉榆

既凋蒲柳

並見前

榮釣天之一餉續夢無多

史記扁鵲傳我之帝所甚

樂與百神遊於釣天廣樂九奏萬舞不類三代之樂餉式諒切說文餉也一餉言不久韓詩雖得一餉樂李後主詞夢裡不知身是客一餉貪歡東坡詩釣天一餉夢中榮唐詩馬上續殘夢

及崦日之半規

告歸已決

釋名晷規也如規畫也謝靈運詩密林含餘清延峰隱半規隋孟康詠日詩洛浦全開鏡

衡山半隱規山谷詩新月吐半規

小須驛名猶或郊迎

回李通判

銓

歎峨峰之客子舊嘗綴於金臺

史記范雎傳謁君得無與諸侯客子俱來乎曹

丕詩棄置勿復陳客子常畏人徐陵詩關山三五月客子憶秦川杜詩客子入門日杲杲上谷郡圖經金臺在易水東南十八里傳毅述遊賦出北薊歷良鄉登金臺顧武陽選詩豈伊白壁賜將起黃金臺李詩燕昭延郭隗遂築黃金臺又灑掃黃金臺招邀廣平客又如登黃金臺遙謁紫霞仙又侍宴黃金臺傳觴青玉案又何人更掃黃金臺杜詩揚眉義結黃金臺又黃金臺貯俊賢多羅隱詩百尺黃金郭隗臺柳詩燕有黃金臺遠致望

諸君元周公謹癸辛雜志云郭隗史記止云築宮而師
事之初無臺字而李白詩有何人為築黃金臺之語吳
虎臣漫錄以此為據按新序通鑑皆云為築宮不言臺
也然李杜及柳子厚詩皆有黃金臺之語唐人承用甚
多不特本於白也又按唐皇甫松有登郭隗臺詩梁任
昉述異記云郭隗臺在幽州故城中則實有此臺矣孔
文舉論盛孝章書曰昭王築臺以尊郭隗然皆無黃金
字鮑昭放歌行云豈伊白璧賜將起黃金臺然則黃金
之名始懷石林之主人今獲依於玉樹世說魏明帝使
見於此後弟毛曾與夏
侯玄共坐時人謂簾葭倚玉樹謝玄傳如芝蘭玉樹
欲使生於階庭隋煬帝詩輕舉金臺上高會玉樹墟所
願拜一盃之水乃先飛五朶之雲前恭惟某官世載

其英

蜀都賦江漢炳
靈世載其英

學優則仕繩其祖武合薰班馬之

香

詩昭茲來許繩其祖武

裕乃父功宜踵韋平之躅

平淮西雅皇曰咨翹裕乃

父功平當傳漢興唯韋平父子至丞相

況是一門叔父之貴

世說一門叔父則有阿大

中郎詳見前

新領三軍元帥之權雪夜鵝鳴亦識西平之有

子

李翹傳夜半至懸瓠城雪甚城旁皆驚驚池翹令擊之以亂軍聲平淮西雅蔡人率止唯西平有子

風

聲鶴唳倚須幼度之平戎

謝玄傳玄字幼度淝水之捷堅衆奔潰聞風聲鶴唳皆以

為王師互見前

詎容全材更淹半刺式觀挺挺之風烈

魏謩傳贊詳見

前

克稱衮衮之公侯

杜詩吾知徐公百不憂積善衮衮生公侯

時來為之

張嘉

貞傳宰相者時來即為豈能長據詳見前

風斯下矣

莊子故九萬里則風斯在下矣

某竭來

通義

竭丘謁切發語辭呂氏春秋膠鬲見武王於鮪水曰西伯竭來無欺我也眉州唐天寶初為通義郡

正幸依仁

杜詩此邦今尚武何處且依仁

所恨五色之迷

東坡詩平生漫說古戰場

過目終迷
日五色

有負六王之畢

撫言崔偃試進士東都吳武陵謂偃曰公方為天子求奇

才敢獻所益因出袖中書讀之乃杜牧阿房宮賦坐客皆驚武陵曰牧方試有司請以第一人處之偃謝已得其人至第五偃未應武陵勃然曰不爾宜以賦見還偃曰如教牧果異等

同姓同業也底勞

敘元禮之通家三熏三沐之尚擬迎蓋公而避舍

竝見前

回綿州程通判

植○綿州已見

化閨禮闈不隔公堂之霧

杜詩公堂宿霧披

廉泉遜水久睽緹

屏之星

廉水在綿州彰明縣北平地出泉宋書范柏年初見明帝因言及廣州有貪泉帝問卿州有此

水否對曰梁州唯有文川武鄉廉泉讓水又問卿宅在何處曰臣所居在廉讓之間帝善之屏音丙通作屏車蔽當也車上竹席障塵者屏簾刺史車非特別駕今專用之別駕者誤見後漢書孔恂傳

伴來以書

僕感且悚恭惟某官器資冲遠德業碩膚岷然岷峨之

高皜乎江漢之濯發研游刃已知立解於千牛

並見前

按

轡徐驅亦覺坐空於萬馬

周亞夫傳天子迺按轡徐行

不謂九垓之

汗漫

淮南子吾與子汗漫遊於九垓之上

尚從半刺之翱翔

杜詩半刺已翱翔

然

富樂之山固有富樂之實

富樂山在巴西縣東五里劉備自荊州入蜀劉璋延之於

此山望見蜀之全盛飲酒樂甚故得富樂之名唐子西
詩富樂之名誰所留建安年中劉豫州擁兵入蜀萬貌
緜孱璋送國來迎頭軍中釀酒椎千牛炙如巴山酒如
洛酒酣握手登高丘極目紫茅躡春疇富樂之名此其
由君聞此說還信不當時兵起四十秋折屋不足供誅
求生靈嗷嗷鼎中油山中胡為乃爾優想今富樂萬倍
劉端能容我逃窮愁
佐磊落之府正須磊落之人
杜詩
山僧笑言客罷休

州府何磊落顯慶年中越王作

豈有不龜之封侯

莊子
宋人

有善為不龜手之藥客買其方百金以說吳王越有難
吳王使之將冬與越人水戰大敗越人裂地而封之

而忘無蟹之監郡

東坡詩擬向君王乞符竹
却憂無蟹有監州詳見前

某罔功龍

邱

謂榮

游試墓津

謂眉州俱
詳見前

無以我公歸兮試問蕭朱

之好詩無以我公歸兮無使我心悲兮蕭育傳少與陳咸朱博為友著聞當世往者有王陽貢禹故長安

語曰蕭朱結綬王貢彈冠言其相薦達也事其大夫賢者尚修程李之風灌夫

傳程李俱東西宮衛尉注李廣為東宮程不識為西宮又今日斬頭穴匈何知程李

代回吳通判

昌裔

對月半輪何不厭平分之破

李詩峨眉山月半輪秋東坡詞風月平分破詳見前

觀風一道乃遽叨進寸之除

唐貞觀八年分遣蕭瑀李靖等巡省天下觀風俗得

失韓文寸進尺退卒無所成破除相對用建除體

感曳履以見臨且鳴謙而加

賁

履臨謙賁四卦

恭惟某官清標山立

禮記山立時行

奧學淵停

石崇楚妃

歎矯矯莊王
淵停嶽峙

濮陽朱絲之桐洗盡人間之箏笛

東坡聽賢師琴

詩歸家且覓千斛水淨洗從前箏笛耳東坡詩話歐陽公嘗問僕琴詩何者最佳余以退之聽穎師琴詩答之公言此詩固奇麗然自是聽琵琶詩非琴詩國史補于頔令客彈琴其嫂知音曰三分中一分箏聲二分琵琶全無琴韻唐段安節樂府雜錄箏者蒙恬所造笛羌樂也傅玄琵琶賦序云世本不載作者故老云漢送烏孫公主念其行道思慕使知音者於馬上作之史記黃帝使伶倫伐竹於崑崙斬而作笛吹之作鳳鳴

豫章

白羽之扇留為世上之舟航詎容暮願久淹驥足

前見頗

哀老子

馬援傳頗哀老子使得遨遊

夙託年家

東坡詩通家不隔同年面

噓枯吹

生絡繹寄聲於員嶠

鄭太傅孔公緒清談高論噓枯吹生絡繹往來不絕貌通作駱驛王

莽傳駱驛道路師古曰駱驛言不絕趙廣漢傳界上亭長寄聲謝我嶠渠廟切列子渤海之東有大壑名曰歸墟其中有五山焉一曰岱輿二曰員嶠三曰方壺四曰瀛洲五曰蓬萊駕輕就熟馳驅俾

踵於方舟

韓文若駟馬駕輕車就熟路而王良造父為之先後也詩載馳驅又方之舟之劉向說

苑諸侯維舟為梁大夫方舟方舟臣之職也

某已控需章正還節傳

需節卦名集

于苞栩集于苞杞但切懷歸

詩翩翩者騅載飛載下集于苞栩又集于苞杞又豈

不懷歸王

事靡盬

投以木瓜投以木桃祇慙匪報

詩投我以木瓜又投我以

木桃又匪報也

永以為好也

代回敘州通判楊承議

德輔。敘州即禹貢西戎即敘之地故以名州古為

楚國漢為犍為郡治東漢徙治武陽南齊復為犍
為郡治梁武帝立戎州又置六同郡於南廣縣隋
初廢六同而存戎州大業初改州為犍為郡唐武
德初復為戎州移治南溪貞觀初復移治犍道乾
元初復為戎州宋政和四年戎州父老上言戎者
西夷之名犍侯蕃夷舊稱也乞別立名額敕改為
敘州今為

敘州府

揚鈴監郡

船郎丁切亦作艦舟也一曰舟有窓者王維
詩赭圻將赤岸擊汰復揚舠王荊公詩委佩

去辭廷殖殖揚舠來得府潭潭又門
前秋水可揚舠有意西尋白下亭

懷寶睦隣

左傳親
仁善隣

國之寶也秋月兩章真有風人之託

杜詩兩章對秋
月一字偕華星

春雲多

態不為時世之粧

韓詩君詩多態度藹藹春空雲東坡
詩自是風流時世粧詳見第十四卷

載詠落英踐實之言足窺結根孤生之節水色異諸水
安能為清紺之塵君家更贈君無忘厚培植之力

山谷詩我

提養生之四印君
家所有更贈君

四六標準卷二十九

欽定四庫全書

四六標準卷三十

宋 李劉 撰

諸司屬官

詳各題下

代回丁置機

銘○宋制置司屬官有參謀參議主
管機宜書寫文字各一員幹辦公事

三員準備將領差遣差使各五
員餘隨時勢輕重而增損焉

某恭審進通閨籍

杜詩顧我蓬屋
妾謬通金閨籍

出運幄籌閱道放出

蜀之龜侯誰在矣

趙抃字閱道放龜事詳見前詩侯誰
在矣張仲孝友注侯維也吉甫所進

諸友之中維復
誰在其中間矣

令威跨歸遼之鶴而子和之

易中孚九
二鶴鳴在

陰其子和之我有好爵
吾與爾靡之餘見前

恭惟某官學裕家傳才優時用

一經受業固無羨黃金之贏

韋賢傳遺子黃金滿贏不如一經

萬里隨

翁欲重吟青玉之案

東坡次韻子由使契丹見寄詩始憶庚寅降屈原旋看蠟鳳戲僧虔

隨翁萬里心如鐵此子何勞為買田公自注時猶子遲侍行杜詩試吟青玉案莫羨紫羅囊

宜輕蒲

壁

周禮子執穀壁男執蒲壁

樂近蘭陔

東哲補亡詩南陔孝子相戒以養也詩云循彼南陔言採

其蘭春戀庭闈心不遑安丁蓋辭縣令就幕職以便養

暫主畫於中權

黨錮傳汝南太守范

孟博南陽宗資主畫諾左傳中權後勳言居中軍者出權謀以制勝

即舒翹於表選

柳文今之

聖知莫不舒翹揚英推類援朋循吏傳公卿缺則選諸所表以次用之

乃今王謝之子弟

見前

率多布信之功名

敘傳爪牙信布

佇奏膚公

詩薄伐玁狁以奏膚公

亟

觀趾美

韓文克自敬勤及先人存趾美進士續聞成宗唯服任遂功為孝子在不怠

某八年

於外一節以趨

禮記凡君召以三節二節以走一節以趨注使使召臣急則持二緩則持一

欲贈丁儀愧乏子建之好句

曹植贈丁儀詩初秋涼氣發庭樹微銷落凝霜依玉

除清風飄飛閣朝雲不歸山霖雨成川澤黍稷委疇隴

農夫安所積在貴多忘賤為恩誰能博狐白足禦寒焉

念無衣客思慕延陵子寶劍非

所惜子其寧爾心親交義不薄

得見嵇紹益知中散之

有人

嵇紹傳紹始入洛或謂王戎曰昨於稠人中始見嵇紹昂昂然如野鶴之在鷄羣戎曰君復未見其

父

代回楊制幹

異○制置司幹辦公事凡三員

桂林勞從事之賢講聞高誼久矣

史記秦略定楊越置桂林象郡詩大夫不

均我從事獨賢董仲舒傳講聞高誼之日久矣其明以諭朕

草堂就參謀之辟邂逅

適我願兮

草堂在浣花溪少陵卜居詩浣花流水西頭主人為卜林塘幽西郊詩時出碧鷄坊西

郊向草堂新唐書杜甫傳上元二年黃門侍郎鄭國公嚴武鎮成都奏為節度參謀檢校尚書工部員外郎詩邂逅相遇

况聞在揚侯之鄉

揚雄傳揚在河汾之間周衰而揚氏或稱侯號曰揚

適我願兮

侯會晉六卿爭權韓魏趙興而范中行智伯弊當是時偪揚侯揚侯逃于楚巫山楚漢之興揚氏邇江上處已

江州漢元鼎避仇復邇江上處岷山之陽

已嘗識李邕之面

杜詩李邕求識面王翰願卜隣

偶忘摸索

唐許敬宗性輕傲見人多忘之或謂其不聰曰卿自難記若遇何劉沈謝暗中摸索著亦

可識

重感記憐恭惟某官姱節紉蘭

姱音誇好也離騷經紛獨有此姱節又紉

秋蘭以爲佩

妙齡拾芥

王荊公詩妙齡終日對書龕又飛揚獨妙齡東坡詩妙齡馳譽百夫雄

章旨之義數萬志在春秋

司馬遷傳春秋文成數萬其指數千孔子曰吾志在春秋

行在孝經

縱橫之對三千文之禮樂

夏竦詩縱橫禮樂三千字獨對丹墀日未斜

畫諾肥越人之瘠談笑易蜀道之難

並見前

北山有楊想

君子樂與賢者

詩南山有桑北山有楊樂只君子邦家之光詩序太平之君子至誠樂與賢者

共之

西方曰棘嗟遠道何爲來哉

禮記西方曰棘東方曰寄注棘當作棘

之言偏使之偏寄於夷戎蜀道難嗟爾遠道之人胡為乎來哉

行矣章交

劉向傳章交公車人滿北

軍

亟其王觀

左傳王觀為可

某昔遲去魯今倦游梁

司馬相如傳客游梁

得與諸侯游士居又長卿故倦遊

忻聞瀟湘之故人

許潭詩瀟湘逢故人

來作臨

邛之重客

相如傳臨邛多富人乃相謂曰今有貴客為具召之

潭府淳古亦嘗倚

席於麓山

少陵岳麓山道林二寺行潭府邑中甚淳古太守庭內不喧呼後漢書儒林傳博士倚席

不講注倚席言不施講坐也盛弘之荊州記長沙西岸有麓山蓋衡山之足又名靈麓峰乃嶽山七十二峰之數有嶽麓書院張南軒記云湘西故有藏室背陵向壑木茂而泉潔為士子肄業之地山長周式以行著祥符八年召見便殿拜國子學主簿使歸教授

錦里逢迎更覺驚心於石鏡

杜詩錦里

逢迎有主人又經心石鏡月到面雪山風石鏡在武擔山蜀記武都山精化為女子蜀王納為妃不習水土而死王遣五丁於武都山擔土為冢故曰武擔今山有石照表其門焉

代回耿制屬

重客及隍缺於遠肅

漢高帝紀聞令有重客說文隍城池也有水曰池無水曰隍曲禮主

人肅客而入注進也疏進謂先導之也

高文銜袖厚甚先施

韓文文書銜袖

恭惟

某官山立清標

禮記山立時行

淵回懿學

文選大略淵回元功響效

暫試三

語之掾

晉書阮瞻字千里見司徒王戎戎問曰聖人貴名教老莊明自然其旨同異瞻曰將無同戎咨

嗟良久即命辟之時人謂之三語掾

迄無一夫之寃茲被制捆之知

捆苦本切

通作閫說文門櫺也徐曰謂門兩旁挾門短限今人亦謂門限

俯按荒城之陋某章諧

再覲仍拜屬辭徒深巾行之藏

莊子盛以篋行巾以文繡注行延善反又怡面

反李云笥也盛狗之物也司馬云合也

更效檐榆之報

代回陳制幹

噲

青天轉粟之難漸欲歸鷄豚之社

杜詩築城依白帝轉粟上青天韓詩願為

同社人鷄豚燕春秋東坡詩鷄豚異日為同社應有千篇唱和詩

綠水依蓮之麗鼎來

見鴻鴈之賓

南史庾杲之為王儉長史蕭緬與儉書曰庚景行汎綠水依芙蓉何其麗也詳見前

禮記季秋之月鴻鴈來賓疏上仲冬直云鴻鴈來今季秋云來賓以仲秋初來則過去故不云賓今季秋鴻鴈

來賓者客止未去也猶如賓客故云客止未去也

與汝為隣

世說晉武帝問孫皓曰聞南方人好

作爾汝歌頗能不時皓飲酒因舉觴勸帝而言曰昔與汝為隣今為汝作臣上汝一杯酒令汝壽萬春帝悔之

於余同業

昌黎送何堅序堅以進士舉於余為同業

何幸萬里似人之喜

莊

子不聞夫越之流人乎去國數日見其所知而喜去國旬月見所嘗見於國中者喜及期年也見似人者而喜矣

然非九垓若士之期

淮南子若士笑曰吾與子汗漫游乎九垓之上詳見前

伏

惟某官學行醇明詞章炳蔚頃嘗識老人大父之處

郊祀

志少君資好方善為巧發奇中嘗從武安侯宴坐中有年九十餘老人少君迺言與其大父游射處老人為兒從其大父識其處一坐盡驚以為少君神數百歲人也

已知異吾黨小子之狂八

韻之驚試官果妙年而中鵠

舊說舉人試日已晚主文權德輿於簾戲云三條燭

盡燒殘舉子之心舉子遽答云八韻賦成驚破侍郎之膽

三仕而為令尹宜即日以

飛鳧顧從嶺表之炎

杜詩五嶺皆炎熱宜人獨桂林

來依劍外之冷

杜詩

劍外官人冷關中驛騎疎

孔明用蜀府中實委之費禕

出師表宮中府中俱為一

體侍中郎中郭攸之費禕等此皆良實志慮忠純宮中之事事無大小悉以咨之

嚴武鎮川幕

下固謀之杜甫

嚴武鎮成都辟杜甫為參謀詳見前

所謂有為之亦若安

知來者之不如某戍雪無庸

杜詩西山白雪三城戍南浦清江萬里橋

漕冰

欲解

趙充國傳冰解漕下

十乘久違於文子至于他邦尺書如見

於孟公為之驚坐

游俠傳陳遵字孟公性善書與人尺牘主者皆藏弄以為榮時列侯有與

遵同姓字者每至人門曰陳孟公坐中莫不震動既至而非因號其人曰陳驚坐云

代回史機宜

中興會要國朝安撫司其屬有勾管機宜文字建炎初許置主管機宜文

字書寫機宜文字各一員紹興四年詔書寫機宜文字除係事干機密其餘文字竝不得簽書俸給

京官依通判選人依簽判

識嵇父於未仙知敬人中之鶴

東坡詩何人更識嵇中散野鶴昂藏未是仙詳

見前見徐卿之有子真成地上之麟

杜詩徐卿二子生絕奇感應吉夢相追隨

孔子釋氏親抱送竝是天上麒麟兒南史徐陵字孝穆母臧氏嘗夢五色雲化為鳳集肩上已而誕陵年數歲

家人攜候沙門實誌實誌摩頂曰天上石麒麟也劉禹錫送李秀才赴舉詩爾生始懸弧我作坐上賓引箸舉湯餅祝詞

天麒麟

辱貽秋月之兩章

杜詩兩章對秋月一字借華星

尤服春雲

之多態

韓詩君詩多態度藹藹春空雲

恭惟某官材為國瑞學有家傳

手敏八叉亦欲吹噓而送上

唐孫光憲北夢瑣言溫廷筠字飛卿與李商隱齊名

時號曰溫李才思艷麗工於小賦每入試押官韻作賦凡八叉手而八韻成多為隣鋪假手日救數人士行有缺縉紳薄之杜詩揚雄更有河東賦唯待吹噓送上天

眼迷五色竟難摸索於暗

中

東坡送李方叔下第詩過眼終迷日五色詳見前摸索見本卷回楊剝幹條

不妨利吾器

以俟時

韓文有司其枉我哉我將利吾器而俟其時耳

行即溉其根而食實

韓文

浚其源導其所歸斯文如女有正色安用自憐

山谷次東坡送

李方叔韻詩驢子墮地追風日未試千里誰

能識習之實錄葬皇祖斯文如女有正色我相夫子

非癯仙即騰善價

東坡送李方叔詩買羊酤酒謝玉川為我醉倒春風前歸家但草凌雲賦

我相夫子非癯仙

某方謀下榻聞偶稅郊茲勤連壁之臨

魏書陸暉

字道暉與弟恭之季順竝有時譽洛陽令賈楨見其兄弟歎曰僕以老年更觀雙壁世說潘安仁夏侯湛並有美容喜同行時竝有聯珠之贈

律厯志五星若聯珠

寸田耕不盡

益信任忠敏之詩

宋史任伯雨字總翁眉山入紹興初贈直龍圖閣又加諫議大夫淳熙中

賜諡忠敏

二季對相望誰有歐陽子之識

陳後山贈二蘇公詩一翁二季對相

望奇實橫道驥服箱
誰其識者有歐陽

代回成機宜 晉

疏寵承家

易開國承家
小人勿用

拜恩諾仕男兒慷慨不難自致

於一科

韓文豈不登
名於一科兮

母氏劬勞且合亟營於三釜

詩凱
風自

南吹彼棘心棘心夭夭母氏劬勞莊子吾及親
仕三釜而心樂後仕三千鍾不洎而吾心悲

固為親

屈

後漢書毛義家貧以孝行稱南陽張奉往候之坐定
而府檄適至以義為安陽令義捧檄而入喜動顏色

奉心鄙之及母亡遂不仕奉曰賢
者固不可測往日之喜乃為親也

難與俗言 司馬遷傳
事未易一

二為俗人言也又此可為
智者道難為俗人言也

伏惟某官茂實英聲瑰意琦

行象賢崇德豈惟聞禮以聞詩

尚書惟稽古崇德象賢

續聞成宗

是在難兄而難弟

韓文趾美進士續聞成宗詳見前

姑紆綠綬用當綵

衣

列女傳老萊子孝養二親行年七十作嬰兒自娛著五采斑斕衣

佇觀名第之摘髭

韓詩連年收科第若摘領下髭

即步要津而策足

丈選何不策高足先據要路津

某未

遑贊慶

周禮大行人慶賀以贊諸侯之喜詳別見

猥辱貽箋識野鶴於未仙

但深感愧

見上

期名駒之越國會見騫騰

後漢趙熹傳更始徵熹熹

年未二十既引見更始笑曰爾粟犢豈能負重致遠乎除為郎中行偏將軍事使詣舞陰李氏遂降更始大悅謂熹曰卿名家駒努力勉之王褒傳過都越國蹶如歷塊杜詩章罷鳳騫騰

代回劉撫幹

孟虎○宋中興會要國朝安撫司屬有勾當公事後避高宗諱改幹辦公

事建炎三年詔浙西安撫大使許置幹辦公事官五員紹興四年江東西湖西浙西安撫大使許置

幹辦五員安撫使

置幹辦公事四員

先唐有命焉知賢才而舉之

易巽九五先庚三日後庚三日吉王弼曰申命令謂

之庚高甲為郎何見公等之晚也

匡衡傳射策甲科儒林傳能通一藝以上補文

學掌故缺其高第可以為郎中太常籍奏冒然刻入無以謝為

談賓錄唐證聖中劉奇為

侍郎注張文成司馬鏗為御史二人因申屠瑒以謝奇正色曰舉賢無私何見謝

恭惟某官學

超人羣

裴迥詩吾師久禪寂在世超人羣

調窺天巧

韓詩規模背時一利文字窺天巧

第直溷子政有貴於晚成

元結傳舉進士禮部楊浚見其文曰一第恩子耳有司得

子是賴馬援傳大材當晚成良工不示人以朴

屢薦不入官亦何嫌於同隊

顏延

之五君詠屢薦不入官一麾乃出守韓詩兩家各生子提孩巧相如少長聚嬉戲不殊同隊魚假以歲

月矯然雲霄某得於所聞言之不忤燭之武老矣無能

為矣一力告休

左傳秦伯圍鄭鄭使燭之武見秦君辭曰臣之壯也猶不如人今老矣無能為

也已仲山甫舉之愛莫助之萬祈自重

詩我儀圖之維仲山甫舉之愛莫助

之詳見前

代回胡帥機

綱○帥機即安撫司機宜

諸公獻納共騰薦士之章老子婆婆亦竊挂名之寵

陶侃

傳老子婆婆正坐諸君輩挂通作掛史通徒得君重何使名挂史筆韓文挂名經端自託不腐

以謝為

見上

恭惟某官父教之忠世濟其美

並見前

故國

非謂喬木意風烈之猶存

魏謩傳贊挺有祖風烈

此笏乃今甘棠

况天章之固在

魏謩傳帝問卿家書詔有存者乎謩對惟故笏在詔令上送鄭覃曰在人不在

笏帝曰覃不識朕意此笏乃今甘棠

黃閣門闌之喜

杜詩門闌多喜氣女壻近乘龍

清油

談笑之長

李正封詩從軍古云樂談笑清油幕

推轂有言滿座稱善聊附

蒼蠅之尾

隗囂傳蒼蠅之飛不過數步即託驥尾得以絕羣

何補黃鵠之毛

韓詩

外傳夫鴻鵠一舉千里所恃者六翮耳背上之毛然未
腹下之毳益一把飛不為高損一把飛不如下

嘗得承顏而接辭

雋不疑傳今乃承顏接辭

則非所謂納交而要譽

履聲來止異謝何哉

履異卦名

某無與提衡

韓非子貴賤不相踰賢知提衡

而立治之至也張湯莊周傳贊繼世立朝相與提衡

亦勤銜袖

韓文文書銜袖

暗投珠於

道路何以相酬

鄒陽傳明月之珠夜光之璧以聞投入於道

朝發軔於梁津

幸其自愛

離騷經朝發軔於天

代回楊撫屬

結雲〇撫屬見前

老形已具濫塵喉舌之司

陳後山詩老形已具臂膝痛春事無多櫻笋來詩出納王

命王之喉舌漢繁欽尚書歲龍作納
言帝命惟允山甫翼周實司喉吻

賀續鼎來遠借齒

牙之論

匡衡傳匡鼎來注鼎方也南史謝朓傳士
子聲名未立應共獎成無惜齒牙餘論

恭惟

某官文獻博雅機量疏明為入幕之賓諒多裨贊舉筦

庫之士會即騫騰

禮記趙文子所舉於晉國管庫之士
七十有餘家生不交利死不屬其子

馬注管庫之士府史以下官長所置也舉之於君以為
大夫士也管鍵也即今鑰匙庫物所藏杜詩筆飛鸞聳

立章罷
鳳騫騰某歸興雲飛宦情冰冷

王衍傳吾少無宦情隨
牒推移遂至於此梁書

何胤傳吾年已五十七月食
四斗米不盡何容得有宦情推賢揚善亦有味其言哉

度力量時懼無補於賢者

代回蒲撫機

仲乙○撫
機見前

聯名接武憶共尋皇子之陂

禮記堂上接武注武迹也
迹相接謂每移足半躡之

說文陂池也皇子陂在萬年縣西南秦葬皇子起塚陂
北原上得名杜詩秋水憶皇陂又天清皇子陂又皇陂
岸北結愁亭注第五橋皇子陂皆在長安城外乃會別
之地也宋張禮游城南記云循清明渠而西至皇子陂
注云在龍堂之西秦葬皇子於陂底起冢於陂北原上
因以名陂隋文帝改永安陂唐復舊司空曙皇子陂詩
岸芳春色曉水影夕陽微
寂寂深煙裏漁舟夜不歸
異事同僚喜來入烏公之幕
詩我雖異事及爾同寮注我雖與爾異其所職之事乃
與汝同其官僚韓文大夫烏公以鈇鉞鎮河陽之三月
以石生為才以禮為
羅羅而致之幕下
情親有素辭費何居伏惟某官遠

抱淵深清標冲粹二十而作文賦早拾科名

杜陵醉歌行陸機二

十作文賦汝更小年能綴文晉書陸機字士衡少有異才文章冠世年二十而吳滅退居舊里閉門勤學文賦序云每自屬文尤見其情恒患意不稱物文不逮意蓋非知之難能之難也故作文賦以述先士之盛藻因論作文之利害所由八百之除吏員偶非親故新唐書崔祐甫字

未踰年除吏幾八百員莫不諧允帝嘗謂曰人言卿擬官多親舊何邪對曰夫進擬者必悉其才行如不與聞知何由得實然檻檻大車每難銳進檻通作輜戶馳切

帝以為然衣如莢而恢恢餘刃正覺硯新前見杜老參謀正不出浣

花之里

趙子欒杜工部年譜云上元二年冬嚴武鎮成都奏為節度參謀檢校尚書工部員外郎賜緋

魚公先赴成都裴晉公贊畫固可參古栢之碑況今連公為卜居浣花里

鑣向闕之人

韓詩幕中無事惟須飲却是連鑣向闕時

莫非講劒擣文之客

李正封聯句擣文揮月毫講劒淬霜鏐

北多良馬暫入禮羅

韓文冀北馬多天下伯樂

知馬遇其良輒取之羣無留良馬又以禮為羅詳見前

南有喜魚即登賢罩

罩陟教切

說文捕魚器也爾雅簞謂之罩注捕魚籠也詩南有嘉魚蒸然罩罩詩註云魚罩有自上而下者有自下而上者今人謂自上而下者為罩則

某託交年拜起敬月評

風動帳中亦欲更觀於談笑

郗超傳桓溫懷不軌欲立霸王之基超為之謀謝安

與王坦之嘗詣溫論事溫令超帳中卧聽之風動帳開安笑曰郗生可謂入幕之賓矣韓詩談笑青油幕

解漕下自茲恐隔於行藏

趙充國傳分屯要害處冰解漕下

代回李總屬

鑄。總謂總領所詳見前淮東總領官屬有幹辦公事差遣四川有主管

文字

二頁

懷中散之野鶴夙荷心知

東坡詩何人更識嵇中散見野鶴昂藏未是仙詳見前

少傅之停鸞今能趾美

昌黎殿中少監馬君墓誌退見少傅翠竹碧梧鸞鵲停峙能守

其業者也又及先人存趾美進士續聞成宗

未遑贊慶

周禮大行人慶賀以贊諸侯之喜

猥

辱懷箋恭惟某官學有家傳才為國許

竝見

金閨天上

夙尋瑤草之期

杜詩李侯金閨彥脫身事幽討亦有梁宋遊方期拾瑤草山海經始瑤之山帝

女死馬化為瑤草江淹別賦惜瑤草之徒勞

玉樹風前善繼石林之志

杜詩宗之

瀟灑美少年舉觴白眼望青天皎如玉樹臨風前石林蓋李之先人

佇膺世選不俟民庸

某家寓峨峰族出成紀

漢書李廣隴西成紀人李氏族望

重來訪鴈湖

之鴈已隔煙霄

鄧德明南康記固平縣覆笥山上有大湖周數十里靈果異物皆不可識有石

鴈浮在湖中至秋天鴈飛鳴如候時也

何幸見龍津之龍早騰雲漢

龍津在今

延平即宋南劍州亦名交劍潭晉書雷煥卒子華為州從事持劍行經延平津劍忽於腰間躍出墮水使人沒水取之不見劍但見兩龍各長數丈蟠紫有文章沒者懼而反其為頌詠曷既敷陳

代回朱總屬喻講書

徽本逸此二字

久於睽離辱此臨賁

四卦名

頓解塵埃之渴更勤月露之

文

李諤論文體書連篇累牘不出月露之形詳見前

退而復白圭之三何翅得

黃金之百

季布傳得黃金百不得季布諾詳見前

駕彼四牡量材未敢以

載驅

詩駕彼四牡四牡騤騤

遺我雙魚拜賜惟知於長跼

古詩長跼讀素

書書中意何如

代回鄧總幹

綱

共州隔邑偶萬里之盍簪

易勿疑朋盍簪注盍合也簪疾也孔疏云若能不疑於物

以信待之則衆陰羣朋合聚而疾來也歐陽永叔詩惜予不與合朋簪王介甫詩天涯無路盍朋簪互見前

異事同寮借一章而推轂

詩我雖異事及爾同寮詳見前

所慙假蓋

家語

孔子將行雨無蓋門人曰商也有之孔子曰商之為人
也甚恇於財吾聞與人交推其長者遺其短者故能久

也何用陳箋恭惟某官才氣鴻龐

龐廬東切充實也帝王世紀質始萌而未

兆謂之

詞華犀銳

犀堅也鼃錯傳器不犀利增韻古以犀兕為甲故謂堅為犀馮奉世傳器

不犀利晉灼曰犀堅也

倦乘箕而騎尾

莊子傳說得之以相武丁奄有天下乘東維騎箕尾

而比於列星疏傳說星精也而傳說一星在箕尾上然箕尾則是二十八宿之數維持東方故言乘東維騎箕

尾而與角亢等星比並行故云北於列星

甘歷井以捫參

李詩捫參歷井仰角息參井魏之分

野屬北風既亟只且獨何為乎愁苦

只音紙且音疽詩北風其涼雨雪其

雩惠而好我攜手同行其虛其餘既亟只且詩序北風刺虐也衛國竝為威虐百姓不親莫不攜持而去焉屈

原九歌夫人自有兮美子孫何以兮愁苦南鄭多道亡者顧不行兮夷猶韓信

傳至南鄭諸將道亡者數十人屈原九歌君不行兮夷猶褰誰留兮中洲天寶生之人為瞠

若莊子瞠若乎後者瞠救庚反去國暮年見似者喜矣

又丑郎反字林云直視貌莊子子不聞夫越之流人乎去國數日見其所知而喜

去國旬月見所嘗見於國中者喜及暮年也見似人者而喜矣不亦去人嗟爾遠道何為乎來哉蜀道難其險也如此嗟爾

滋久思人滋深乎遠道之人胡引鼎不程禮記引重鼎不程其力注程猶量也重鼎大鼎也引重不量勇

為乎來哉力堪之與否當之則往也詳見前乞隣非直偉卿以一身從我安敢蔽

賢

後漢書鄧晨字偉卿更始以晨為常山太守會王郎反光武自薊走信都晨亦間行會於鉅鹿下自請從

擊卽鄧光武曰偉卿以一身從伯道之五鼓不來忽聆我不如以一郡為我北道主人

執薛

晉書良吏傳鄧攸字伯道為吳郡守載米之郡俸祿無所受唯飲吳水而已稱病去職百姓數千人

留牽攸船不得進攸乃小停夜中發去吳人歌之曰統如打五鼓鷄鳴天欲曙鄧侯挽不留謝令推不去薛或作訊詩執訊連連注又作執薛詩歌以訊之釋文作薛音信左傳鄭子家使執訊與之書注通訊問之官某

久於戍雪

杜詩西山白雪三城戍

行矣解冰

趙充國傳冰解漕下

當百里半

九十之時敢辭賤役

戰國策甘茂謂秦王曰詩云行百里者半于九十此言末路之難注

此逸詩也言行九十里適足為五十里耳有一石三十鍾之窘更賴仁言

漢書

主父偃傳奏欲攻匈奴使天下飛芻輓粟起於黃腫瑯琊至負海之郡轉輸北河率三十鍾而致一石師古曰六斛四斗為鍾計其道路所費凡用百九十二斛乃得一石至左傳仁人之言其利溥哉

代回陳檢察

鑄

仰仲子之世家積百聞於一見

趙充國傳百聞不如一見兵難喻度

得孟

公之手牘將異事而同寮

游俠傳陳遵字孟公性善書與人尺牘主皆藏去以為榮

所愧先施之未能乃蒙下問而不恥恭惟某官學有家

法

後漢徐防傳博士弟子皆以意說不修家法左雄傳諸生試家法注儒有一家之學故稱家儒林傳序各

以家法教授

才應時須

杜詩管葛本時須詳見前

登賢能之書竟合丹墀

之對

周禮鄉老及鄉大夫羣吏獻賢能之書於王王再拜受之登於天府夏竦詩縱橫禮樂三千字獨對

丹墀日

作神仙之尉未忘文石之忠

梅福傳為郡文學補南昌尉上書願

未斜 壹登文石之陞盡平生之愚慮王莽顓政一朝棄妻子去九江至今傳以為仙

尋小試於幕謀

謂徑通於閨籍

李詩謬通金閨籍

居然斂板

晉輿服志古者貴賤皆執笏主書君

上之教令後惟八座執笏其餘卿士但執手板職林州別駕治中見刺史持板拜刺史答拜梁書到溉傳溉斂板

對 復此曳裾

鄒陽傳何王之門不可曳長裾乎仇香傳曳長裾飛名譽東坡詩白髮侯門尚曳裾

百斛千鍾來察聖賢之實

孔叢子平原君與子高飲強子高酒曰昔有遺謬堯舜千

鍾孔子百觚子路嗑嗑尚飲百榼古之聖賢無不能飲吾子何辭焉子高曰以予所聞聖賢以道德兼人未聞

以飲也平原君曰即如先生言則此言何生子高曰生於嗜酒者蓋其勸勵之辭非實然也傳玄酒賦唐堯下逮五帝雖曰聖賢亦咸斯當今按百斛當作百觔

一石五斗肯聽婦兒之言

劉伶傳嘗渴甚求酒於妻妻捐酒泣諫伶曰善吾不能自

禁惟當祝鬼神自誓耳便可具酒肉妻從之伶跪祝曰天生劉伶以酒為名一飲一斛五斗解醒婦兒之言慎不可聽仍飲酒御肉隗然復醉一斛語林作一石聽平聲

無嫌從事之獨勞

詩序北山大夫

刺幽王也役使不均已勞於從事而不得養其父母馬詩大夫不均我從事獨賢

行應司徒之

計治某燕巢既舊

見前

蝗粟知慙

白樂天詩是時粟斗錢三百蝗蟲之價與粟同

明珠暗投固已覺我之形穢

鄒陽傳明月之珠以闇投人於道世說驃騎王武子

是衛玠之舅雋爽有風姿見玠輒歎曰珠玉在側覺我形穢

寒冰炤立尚或使人之

眼明

杜詩炯如一段清冰出萬壑置在迎風寒露之玉壺又鷓鴣鷓鴣莫漫喜我與汝曹俱眼明貫休詩

只有天上人見我雙眼明山谷詩吾與北人俱眼明又獨我一雙眼明

通湖南韓運管

職官分紀熙寧二年詔廣州等七路轉運司依京東等路各舉官一

員充管勾文字續會要元豐元年詔轉運司勾管文字不得隨本司出巡政和四年詔依舊法如別官陳情差委雖奉行旨亦不許委出職源建炎初避高宗諱改勾管為主管○詳啓意簿寧鄉時作

望桐韓之閱閱夙仰泰山

宋韓億字從魏其先真定靈壽人八子綱綜絳繹維縝緯

緬而絳縝位宰相維門下侍郎真定韓氏忠憲公家也忠憲諸子名連系字康公兄弟也生宗字宗之下從玉

玉之下從日日之下從元元之下從水世謂
桐樹韓家韓愈傳贊學者仰之如泰山北斗持苦李之

姓名敢通北海

李氏帝顓頊高陽之裔顓頊生大業大業生女莘女莘生皋陶為堯理官子孫

因姓理氏裔孫理徵得罪於紂其子利貞逃難伊侯之墟食木子得全因變姓李氏利貞十一代孫李耳字伯陽居苦縣賴鄉曲仁里又王戎傳樹在道邊而多子必苦李也東坡詩顧我如苦李全生依路傍新唐書李邕傳為汲郡北海太守邕雖詘不進而文名天下時稱李北海

眇然縣掾之賤

掾俞絹切官屬

望之使筦之尊以言自鳴於分甚僭恭惟某官材猷孔

碩

增韻碩大也又充實也詩為祖孔碩太玄經我心孔碩

文獻甚都

司馬相如傳閒雅甚都師

古曰都閒美之稱也

東萊其師驥固宜於汗血

東萊先生呂成公祖謙也西域傳大

宛國多善馬馬汗血言其先天馬子也神異經西南大宛宛邱有良馬日行千里至日中而汗血東觀漢記聞武帝歌天馬浴赤汗今親見其然血從前
南澗之嫡鳳

何有於凡毛

南史謝超宗鳳之子殷淑儀卒超宗作誄奏之帝大嗟賞謂謝莊曰超宗殊有鳳毛

靈運復出時右衛將軍劉道隆在御坐出候超宗曰聞君有異物可見乎超宗曰懸磬之室復有異物耶道隆武人無識正觸其父名曰旦侍宴至尊說君有鳳毛超宗徒跣還內道隆謂檢覓毛至閤待不得乃去杜詩池上於今
君遣使之皇皇

詩序皇皇者華君遣使臣也

筵得賓而秩秩

詩賓之初筵左右秩秩

坐紆三組

楊僕傳懷銀黃垂三組

臥護重湖

裴度傳侍中舊

德敢煩卧護北門韓詩卧護北使胸吞雲夢而恢然司馬門牢重湖謂洞庭青草詳別見

相如傳吞若雲夢者八
九於其胸中曾不帶芥

則背負天風也必矣

莊子而後乃今培風

背負青天而

某卑棲矮屋

杜詩舍弟卑棲邑防川領簿曹天寶遺事進士張彖授華

陰尉時縣令太守俱非其人多行不法張生有吏道勤
於政每申舉一事則太守令尹抑而不從張生曰大丈夫

矮屋中使人擡頭不得遂拂衣歸遯於嵩山

仰席崇臺

席當作藉慈夜切漢書注謂借助也

安得自高政有資於引重

孫寶傳士安得獨自

高詳見前灌夫傳兩人相為引重張晏曰相薦
達為聲勢也師古曰相牽引而致於尊重也

能令公

怒寧無望於包荒

晉書郗超傳王珣為桓溫主簿為溫所重府中語曰髯參軍短主簿能令

公喜能令公怒易包
荒用馮河詳見前

代回胡運管

極

回首祝融之峰前久無鴻鴈

祝融峰在今衡州府衡山縣西北三十里位直離宮

以配火德乃祝融君遊息之所上有青玉壇道書以為第二十四福地迴鴈峰在衡陽之南鴈至此不過遇春而迴故名濯足清江之窻下忽送鯉魚既感故情又慙褒語

恭惟某官士林翹楚

詩翹翹錯薪言刈其楚正義曰翹翹然而高者乃是錯薪箋云楚雜

薪中之尤翹翹者

宦海汨齊

太平廣記顏真卿卧病有道士稱北山君出丹砂粟許救之謂之曰

子有青簡之名已誌金臺可以度世不宜沉於名宦之海列子與齋俱入與汨偕出從水之道而不為私焉齋莊子作齊郭象注磨翁而旋入騰身方脫於選堦斂手者齊也回伏而湧出者汨也

又償於縣債賴割鷄之敏甚卒馴雉以靡然

魯恭傳有雉過止其

傍傍有童兒親曰兒何不捕之兒言雉方將雛漢書燕齊之間靡然發動又天下學士靡然鄉風觀其

不辭州縣之勞終焉必為臺閣之器聊依緣水即致青

雲

史記范雎傳不意君能自致於青雲之上

某不安田廬

東坡詩居貧豈無食不自安歆歆

又塵班列老矣無能為也行即告歸

見前回劉撫幹條

忠馬能

弗誨乎毋忘嗣訊

代回胡運管

極

西清舉賢爭刻需頭之薦

司馬相如傳象與婉倅於西清師古曰西清者西箱清靜

之處也蔡邕獨斷章者需頭稱稽首
上書謝恩陳事詣闕通者也詳見前
南郭濫吹與題箝

尾之名

韓子齊宣王使人吹竽必三百人齊吹南郭先生不善竽而濫於三百之中食祿宣王死湣王

立好一一吹之先生乃逃箝其淹切說文籥也韓文藍田縣丞廳壁記箝以左手右手摘紙尾南史蔡廓傳我不能為徐干木署紙尾選案黃紙錄尚書與吏部尚書連名故廓言署紙尾也計效則無何謝

之有恭惟某官抱致遠之度無欲速之心才名四十年

始償邑債扶搖九萬里猶作幕賓

竝見前

歸張迭嗟

昌黎薦士

詩廟堂有賢相愛遇均覆燾况承歸與張二

崔李交說

公迭嗟悼言孟郊嘗為歸登張建封所知
昌黎答楊敬之書平昌孟東野說足下不離口崔大敦詩每每說人物亦以足下為處子之秀近又得李七卿

書亦云足下之文遠其兄甚夫以平昌之賢其射雉而言一人固足信矣况又崔與李繼至而交說耶射雉而

用一矢繇力可慙

易旅六五射雉一矢亡終以譽命王弼注射雉以一矢而復亡之明雖有

雉終不可得矣山谷詩晁張作薦書射雉用一矢任淵注陸機薦戴淵於趙王倫曰蓋聞繁弱登御然後高墉之功顯孤竹在肆然後降神之樂成按易曰公射隼於高墉之上獲之无不利繁弱弓名山山谷蓋用此意但改射隼為射雉繁弱為一矢耳嚴助傳繇力薄材師古曰繇弱也言柔弱如繇烹魚而得尺書

雄文何腆某亡能為役有味其言

並見前

末路再得朋喜

而不寐

韓詩幸同學省官末路再得朋

吾負二宜去人謂斯何

韓文吾負二宜

去尚奚顧子言又昔者人謂斯何詳見前

代回添差吳運管

鑰○詳啓意鑰蓋高宗憲聖慈烈吳皇后之族

戚侯四姓既聯中秘之華

漢書外戚恩澤侯表漢興外戚與定天下侯者二人後漢

書明帝紀為四姓小侯開立學校置五經師注為外戚樊氏郭氏陰氏馬氏諸子弟立學號四姓小侯以非列侯故曰小侯禮記曰庶方小侯亦其義也成帝紀河平三年光祿大夫劉向校中秘書劉向傳詔向領校中五經秘書師古曰言中者以別於外唐六典漢書府在外則有太常太史博士掌之內則有延閣廣內石渠之藏劉向揚雄典校皆在禁中謂之中書猶今言內庫書也後漢時藏之東觀亦禁中也宋庾平集睠彼蘭臺古稱華省部使六條顧倚上賓之重漢武帝元封五年置部刺史掌詔六條察州詳見前枚乘傳乘久為大國上賓與英俊竝游方欲展大賢之敬乃先勤小牘之

恭一謙尊光三復感愧恭惟某官器函天粹

法言天粹萬物

作類才軼人羣

岑參詩詞賦超人羣

太似徽音雖不聞而亦式

詩太似嗣

徽音則百斯男又不聞亦式不諫亦入

少君高節豈以貴而自驕

外戚傳孝文實

皇后兄長君弟廣國字少君家於長安絳侯灌將軍等曰吾屬不死命乃且縣此二人於是迺選長者之有節行者與居長君少君由此為榮通東壁之圖書

見前暗接

西箱之筆索

漢書西清注西箱清靜之處

顧肯參聯於冰漕

趙充國傳冰解

漕下不辭主諾於日畿

白虎通京師者千里之邑號也法日月之徑千里

世選爾

勞聊復養修門之望

尚書世選爾勞予不掩爾善宋玉招魂魂兮歸來入修門些詳見前

徒得君重詎真煩細務之親

見前

無王事鞅掌之勤

詩王事鞅

掌毛傳鞅掌失容也箋鞅猶荷也掌謂捧之也負荷捧持以趨走言促遽也正義云促遽亦是失容詩疏煩勞狀鄭云鞅如馬鞅之鞅掌以手拘物詩補傳鞅掌皆所以拘物謂王事所拘

有皇華咨譎之

任

見前

銅龍甲觀生民久望於姜嫄

漢書元帝召太子出龍樓門張晏曰門樓

上有銅龍又孝成皇帝元帝太子母曰王皇后元帝在太子宮生甲觀畫堂為世嫡皇孫宣帝愛之字曰太孫應劭曰甲觀在太子宮甲地師古曰甲者甲乙丙丁之次也元后傳言見於丙殿是其例也詩厥初生民時維嫄路馬乘車褒賞誰如於申伯

詩王遣申伯路車乘馬我圖爾居莫如南土錫

爾介珪以作爾寶往近王舅南土是保詩序崧高尹吉甫美宣王也天下復平能建國親諸侯褒賞申伯馬按

路馬乘車當
作乘馬路車

某淒其紛白復此依紅見前蛙以墟拘豈是

緣青冥之脚

莊子井鼃不可以語於冰者篤於時也曲士不可以語於道者束於教也昌黎月蝕詩嘗聞古老言疑是蝦蟇精把沙脚手鈍誰使女解緣青冥魚於川

泳尚或同白水之心

昌黎節度使廳壁記志同而氣合魚川泳而鳥雲飛也左傳所不與

舅氏同心者有如白水

代回許運幹

儀○職官分紀國朝熙寧三年詔諸路轉運司奏舉京朝官知縣資序二

人充本司勾當其京東西淮南西浙各許舉一員職源元祐中除三路外竝罷後復置建炎初避高

宗諱改勾

當為幹辦

枉駕臨存

嚴助傳使重臣臨存師古曰存謂省問之

屬辭貴重

臨貢卦名

今作禁

門鍵敢當百年幾見之稱

陳後山送東坡知杭州詩一代不數人百年能幾見昔如

馬口銜今為禁門鍵詳見前

君如雙井茶會赴衆口一嘗之願

陳後山詩

君如雙井茶衆口願一嘗

恭惟某官氣噓海岱

韓文龍噓成雲尚書海岱唯青州

文

耀虹霓

彌衡傳揚聲紫微垂光虹蜺

羅致幕中信一第之直溷子

見前

寶橫道側乃屢薦而不入官

韓文誠不忍奇寶橫棄道側顏延之五君詠屢薦不

入今歸張之迭嗟又崔李之交說

俱見前

敢愛其力

韓文吾豈

有愛於力乎哉

而隱於言惟是日夕之牛羊會且歸矣

詩日之夕矣牛

羊下來又會且歸矣

瞻彼月明之烏鵲愛莫助之某有味推賢無

能為役

竝見前

然前驅弩矢固余力之不任

司馬相如傳縣令負弩矢

先驅師古曰導路也韓文固孰知余力之不任

若旁譟鼓旗或此心之可效

寇恂

傳士馬四集幡旗蔽野恂乃令士卒乘城鼓噪六一居士集安得二子接揮鋒兩交銑我亦願助勇鼓旗譟其旁

代回奚運幹

祝

題鴈塔之名夙有同升之幸

見前

依驪駕之漕茲叨聯事

之榮

寇恂傳時軍食乏恂以輦車驪駕轉輸前後不絕注驪駕併駕也擊車人絕行也

愧削牘

之未遑

原陟傳削贖為疏注贖木簡也

感飛箋之先辱恭惟某官歸然

地望

莊子巋然而有餘王延壽靈光殿賦巋然獨存北史公孫表傳鴈門李氏地望懸隔

雋甚天

姿手決世科不用懷綳之簪笏

法言須以發策決科韓詩爵勲逮僮隸簪笏曰

懷綳綳悲萌切束兒衣漢書襁褓注即今小兒繡或作綳

力行家學固求竹帛之功

名

鄧禹傳垂功名於竹帛詳見前

便當正奚仲之車

續漢書輿服志奚仲為車正具物以

時六材皆良譙周古史考黃帝作車引重致遠少昊時略加牛禹時奚仲加馬

何用主李悝之

糴

杜氏通典魏文侯相李悝曰糴甚貴傷人甚賤傷農人傷則離散農傷則國貧故甚貴與甚賤其傷一也

是故善平糴者必謹觀歲有上中下熟大熟則糴三而舍一中熟則糴二下熟則糴一使人適足價平則止行

之魏國國以富強

湟中四百萬石暫倚經營

說文湟水出金城臨羌縣塞外至允

吾東入河史記平準書下河漕度四百萬石及官自糴乃足趙充國傳金城湟中穀斛八錢吾謂耿中丞糴二百萬斛穀羌人不敢動矣耿中丞請糴百萬斛迺得四十萬斛耳

廣內一百三家卽行

校理

漢書藝文志六經凡一百三家詳見前

某偶攀耒甲復託同寅自揣

頭顱猶是五侯之賓客

西京雜記五侯不相能賓客不得往來妻護豐辯傳食五侯間

各得其懽心競致奇膳護乃合以爲鯖世稱五侯鯖以爲奇味焉漢書河平二年上悉封舅王譚爲平阿侯商成都侯根曲陽侯逢時高平侯立紅陽侯五人同日封故世謂之五侯

視如手足亦惟四

海之弟兄

後漢書袁譚欲攻尚別駕王脩曰兄弟者左右手也譬人將鬪而斷其右手曰我必勝若

是者可乎老泉集兄弟之情如足於手山谷詩鬼門關外莫言遠四海一家皆兄弟

代衛內機回新任趙運幹

師秀

內幕主書濫竊機謀之祿

宋安撫司其屬有管勾機宜文字晦菴集張忠獻公宣撫

都督諸軍事奏以拭書寫機宜文字是時年甫二十內贊密謀外參庶務夙夜懔懔以君父之責為己憂

臺替畫鼎來禮樂之英

敘傳河間賢明禮樂是修為漢宗英晉書陳顯刺史銜命國之

外臺盍修同寅之恭適坐旁午之冗

一從一橫曰旁午猶言交積也霍光傳使

者旁午注分布也學林云古篆五字為義象陰陽六爻之義午字亦取此義周禮壺涿氏掌除水蟲若欲殺其神則以牡槀午貫象齒而沉之鄭氏注故書槀為梓午為五交互貫於梓木之上也史言旁午者四方八達皆

通亦從橫交
五之義也

高情厚甚下問煜然恭惟某官傑立宗標

焯為儒侶

焯通作灼說文明也韓愈傳贊以六經之文為諸儒侶

麟振振而一角

詩麟之角振振公族毛詩義疏麟一角角端有肉春秋感精符麟一角明海內共一主也孫氏瑞應圖一角獸

者六合同歸則至漢書終軍傳從上幸雍獲白麟一角五蹄

鳳翩翩以九苞

詩鳳凰于飛翩翩

翽其羽噦音諱毛傳翽翽衆多也鄭箋羽聲也餘見前

太乙吹燈豈特傳五行之

學

王子年拾遺記劉向校書天祿閣夜有老人植青藜杖扣閣而進見向暗中獨坐讀書乃吹杖端爛然大

明因以照向向因受五行洪範之文向問其姓名云我是太乙之精劉向傳向見尚書洪範箕子為武王陳五行陰陽休咎之應向乃集合上古以來至秦漢符瑞災異之記著其占驗比類相從各有條目凡十一篇號曰

洪範五行傳論

長庚吐焰固宜光萬丈之文

李陽冰草堂集序驚姜之夕長庚入

夢故生而名白以太白字之世稱太白之精得之矣韓詩李杜文章在光燄萬丈長

吾道非耶家語

吾道非乎奚為至於此

公等安在

主父偃傳公皆安在何相見之晚也

既低飛於枳

棘

言為簿

又屢泛於芙蓉

南史庾杲之傳王儉用杲之為衛將軍長史安陸侯蕭緬與儉

書曰盛府元僚實難其選庾景行汎綠水依芙蓉何其麗也時人以入儉府為蓮花池故緬書美之言為幕職

輟天塹之元僚

天塹謂長江於湖居士集流梯投鞭規濟天塹詳見前

佐星輶之

計吏棟簾雲雨似聞曾駐於檐帷

王勃滕王閣詩序詳見前

庭戶湖

山復見重來之賓佐

韓文滕王閣記詳見前

聊副皇華之咨度即

登清切之司存

杜詩獻納司存雨露
邊地分清切任才賢

某濩落束書

莊子
某濩落

無所容注
韓詩始我來京師止攜一束書

參差一第

參初林反
差楚宜切

參差不齊也說文亂絲貌參相參為參兩相參為差
亦作參差甘泉賦曾宮參差元結傳一第恩子耳

不

狩不獵豈能談笑於青油

詩不狩不獵胡瞻爾庭有縣
貍兮張正封詩從軍古云樂

談笑青
油幕

為箕為裘聊戲爛斑之綵服

禮記良冶之子必
學為裘良弓之子

必學為箕爛即于切色不絕也斑通還切說文駁文也
列女傳老萊子孝養二親行年七十作嬰兒自娛著五
綵編爛衣嘗取漿上堂跌仆因卧地為小兒
啼或弄雛鳥於親側杜詩綵服日向庭闈趨
莊子蕭然疲役
注蘭音捻忘貌

安所依歸異事同僚儻憐草木之吾味

左傳今譬於草木寡人在君君之臭味也又百聞一見

譬諸草木吾臭味也而何敢差池餘見前

當為珠玉之修容趙充國傳百聞不如一見禮記曾子與子貢入於其廐而修容焉

代回曾運幹

準

射雉而用一矢縣力可慙

見前代回胡運幹條

烹魚而得尺書雄

文甚寵初無足謝何過乎恭恭惟某官殖學精深

左傳夫學

殖也不

學將落摘辭鉅麗

司馬相如傳君未覩夫巨麗也師古曰巨大也麗美也吳質與東阿王書

奉所惠貺發函伸紙是何文采之巨麗而慰諭之綢繆乎

一讀阿房之賦信凡馬之

皆空

見前

再歌泮水之詩知祝螟之速肖

詩思樂泮水法言螟蠕之子殪

而逢螺贏祝之曰類我類我久則
肖之矣速哉七十子之肖仲尼也
仰贊星軺之畫盍歸

天網之收

老子天網恢恢疎而不漏魏文帝典論設天網以該之頓八紘以掩之山谷詩天恢獵德

網日饒養賢鼎

某老矣綴班闕然報國徒得君重輒剡牘於公

車

見前

何以文為更歸恩於私室

羊祜傳拜爵公朝謝恩私門吾所不取

不

辦七襄之報姑容十襲之藏

竝見前

代回新成都趙帳幹

益○宋熙寧詔諸路漕司始置屬官元祐詔運司管勾文

字除三路外竝罷其職掌帳司兼管後復故

計幕借材鼎來主諾郵筒聞報方欲貢書猥勤下問之

先殊感高情之厚恭惟某官世濟其美父教之忠

竝見前

材刃有餘解全牛而不頓

莊子三年之後未嘗見全牛也賈誼傳屠牛坦一朝解十

二牛而芒刃不

頓注頓讀曰鈍 智囊無底洗凡馬而可空

史記樗里子名疾滑稽多

智秦人號曰智囊晁錯傳太子家號曰智囊師古曰言其一身所有皆是智算若囊索之盛物也魯恭傳祖父匡有權數號曰智囊于寶晉書桓範出赴曹爽司馬宣王謂蔣濟曰智囊往矣濟曰駕馬戀棧豆爽必不能用也王充論衡劉歆漢朝智囊筆墨淵海高僧傳支謙月支人游漢境博覽經籍時人為之語曰支郎眼中黃形軀雖細是智囊白氏六帖云樗里子癭多智號曰智囊又云杜預多智人號智囊釋常談云患癭者謂之智囊史記樗里子癭而多智時人號為智囊又杜預亦有癭也今按史記樗里子傳止言滑稽多智不言患癭晉書

杜預亦無智囊之目但云吳人知預病癰憚其智計以
狐繫狗頸示之惟新唐書李義府傳云王德儉癰而智
豈指癰為智囊耶晉書載記慕容垂欲伐慕容永曰吾
投老叩囊底智足以尅之列子渤海之東有大壑焉實
惟無底之谷山谷詩
書囊無底談未了是宜即復於青瑣不謂尚淹於墨

綬惟茲漕輶

輶乳勇切音輅同說文推車令有所付也淮南子輶車而餉馮奉世傳再三發輶

如淳曰推也

正重賓筵惠然肯來協贊皇皇之轡

詩惠然肯來又皇皇

者華又六轡如濡

出其所學行豐暴暴之財

荀子上得天時下得地利中得人和

則財貨渾渾如泉源汭汭如河海暴暴如邱山注暴暴卒起之貌言物多委積高大如邱山也

不俟章

交

劉向傳章交公車

會應召用某冒馬行險甫此依仁

杜詩此邦今尚

武何處
且依仁

及同君子之僚亶為幸會

韓文留守無事多君子僚

所媿小

夫之牘不盡傾期

見前

代回唐提幹

元齡○詳啓意蓋代月湖○中興會要建炎四年詔諸路提刑司除武臣

提刑添置幹辦公事
官許存留文臣一員

夏辟三千參聯無補

言為刑侍

冬官六十攝長可慙

言為工書

何

勤執訊之來

訊晉信說文問也爾雅疏訊問以言也詩執訊連連左傳鄭子家使執訊而與之書

注執訊通訊問之官

更辱微言之寵

尚書予旦已受人之微言微美也

恭惟某官

摘髭名第

韓詩連年收科第若摘頷底髭

策足英游

古詩何不策高足枚乘傳與英俊竝

游
暮拔其尤久幕中之羅致韓文暮取一人焉拔其尤又羅而致之幕下歲

計其入如地上之錢流劉晏傳自言如見錢流地上行交公車之章

見上
當為清廟之器新唐書李珣傳珣以數諫不得留出為下邳令武昌牛僧孺辟掌書

記薦為殿中侍御史宰相韋處厚曰清廟之器豈擊搏才乎除禮部員外郎
某不能者止乃

分之宜韓文投閒置散乃分之宜方鳩僇功忘以年之當廢尚書共工方鳩

僇功孔傳鳩聚僇見也僇仕簡反晉武帝紀時張我龜

既厭知曷月之還歸詩我龜既厭不我告猷鄭玄注卜筮數而瀆龜龜靈厭之不復告其

所圖之吉凶也言雖得兆繇不中也詩懷哉懷哉曷月予還歸哉

代回陳提幹

伯震○詳啓
意亦代月湖

明詔選賢爭抗需頭之薦

蔡邕獨斷章者需頭稱首
上書謝恩陳事詣闕通者也

詳見前

老夫涉筆但深遯尾之慙

左傳老夫髦矣無能為
也韓文涉筆占位署惟

謹易遯尾厲勿用有攸往孔氏正義云遯尾
厲者為遯之尾最在後者也自謙去位之晚

幸而得君

可以報國恭惟某官摘髭名第策足俊游

俱詳上條

人歎老

而嗟卑急於速化

昌黎答陳生書足下求速化之術不
於其人乃以訪愈又速化之術如是

而已士任重而道遠當在晚成

馬援傳大材當晚成

欲功名留久遠

之看信溫飽非平生之志

竝見前

日諸公之暗摸

唐許敬宗見人

多忘之或謂其不聰曰卿自難記
若遇何劉沈謝暗中摸索亦可識
露尺牘以明揚尚書

揚側
陋
今猶待詔於公車
東方朔傳令待詔公車師古曰公車令屬衛尉上書者所詣也

底用謝恩於私室
見前
某隨人作計為役無能感北山之

移文逝將命駕
宋周顒字彥倫初隱北山後為山陰令秩滿入京復經此山孔德璋代此山移

文以絕之逝逮也詩逝不古處
通作噬詩噬肯適我毛傳逮也
觀東閣之奇士更幸改

轅朱雲傳且留我東閣
可以觀天下奇士

代回鑾路馬提幹已

二年滿戍鷁回首以東歸
集韻鷁首天子舟也淮南子龍舟鷁首浮吹以虞此游於

水也方言船首或謂之閤又謂之鷁首注今江東貴人船首作青雀是其象也子虛賦浮文鷁揚旌棹再

命觸藩慕乃頤而西顧

易羝羊觸藩不能退不能遂蓋頤山在眉州東七里自象耳山

連峰壁立西瞰玻璃江五十餘里至此磅礴踞踞形類墓頤故名陸務觀入蜀記云蝦蟆培水品所載第四泉是也蝦蟆在山麓臨江頭鼻吻領絕類而背脊皴處尤逼真造物之巧有如此者自背上深入得一洞穴石色綠潤泉冷冷有聲自洞出垂本欲潛深而伏隄顧使出蝦蟆口鼻間成水簾入江

幽而遷喬欲罷不能不知所賀恭惟某官岷峨擢秀江

漢養源淬剌犀之鋒馳騁不難於萬里

王褒傳巧冶鑄千將之模清水

淬其鋒越砥斂其鍔水斷蛟龍陸剌犀革駕馭鄰賦射驂乘旦縱馳騁騫忽如景靡周流八極萬里壹息賦射

熊之館吹噓亦在於九天

黃圖長楊宮有射熊館在鰲
厓地理志秦昭王起元帝紀

永光五年冬幸長楊宮射熊館布車騎大獵揚雄傳雄
從至射熊館還上長楊賦以風杜詩揚雄更有河東賦
惟待吹噓

若為二紀之塵埃良負兩科之冠劍

雋不疑
傳不疑

送上天

冠進賢冠帶欄具劍門下欲使解劍不
疑曰劍者君子武備所以衛身不可解

方江濤之如此

覺人物之眇然

俱見前

勲業終伏波之歸

杜詩勲業終歸
馬伏波詳見前

圖畫勉凌煙之繼

唐太宗紀貞觀十三年圖功臣於凌
煙閣閣在西內太極宮三清殿側

某濫竽榜下

韓非子齊宣王使人吹竽必三百人齊吹
南郭先生不善竽而濫於三百之中食祿

曳尾泥中

莊子吾將曳尾於
泥中矣詳見前

推轂有味其言心乎愛矣

鄭當時傳其推轂士及官屬丞史誠引鼎不程其力人

謂斯何

禮記引重鼎不程其力韓文昔者人謂斯何今者人謂斯何

代回新班李茶幹

鑑○宋宣和間置茶鹽提舉屬官一員名茶鹽提舉司幹辦公

事

白髮強顏洵叨乘障黃塵眯目未暇見賢敢圖宗家之

英辱貽記室之牘

竝見前

恭惟某官人門第一

新唐書李揆傳揆美

風儀善奏對帝嘆曰卿門第人物文學皆當世第一信朝廷羽儀乎東坡詩單于若問君家世莫道中朝第一人

材氣無雙

李廣傳數與匈奴戰典屬國公孫昆邪為上泣曰李廣材氣天下亡雙自負其能數

與虜確
恐亡之

麒麟地上已通籍於煙霄龍鶴山中難窺斑於

霧雨

世說王獻之數歲時嘗看諸門生搏滿見有勝負因曰南風不競門生輩輕其小兒乃曰此郎亦管

中窺豹時見一斑魏志注論者之言一似管窺虎劉向列女傳陶答子化陶三年名譽不興家富三倍其妻諫曰妾聞南山有玄豹霧雨七日不下食者欲以澤其衣毛而成其文章故藏以遠害藏隱也謝眺詩雖無玄豹姿終隱切聞三史六經之學

詩書禮樂易春秋為六經詩書春秋為三史又史記

及前後漢書為三史唐諫議大夫殷侑言三史為書勸善懲惡亞於六經比來史學多廢至有身處班列而朝廷舊章莫能知者於欲追一翁二季之蹤

陳後山詩一翁二季相對

聖謂三蘇

行膺綸綍之招何待絃歌之試某夙同譚譜

譚譜當作

蟬揚雄傳有周氏之蟬媽兮或鼻祖
於汾隅注蟬媽連也自言系出周氏
近倚龍門李膺傳膺獨持

風裁以聲名自高士有被其容接者名為登龍門辛氏
三秦記河津一名龍門水險不通魚鼈之屬莫能上江

海大魚薄集龍門下數
千不得上上即為龍也
所恨室邇而人遐未由展覲詩其

室則邇其人則遠陳後山詩室邇人則遠燕默勞者歌
梁書阮孝緒傳御史中丞任昉欲造而不敢墾而歎曰

其室雖邇其人甚遠
為名流所欽尚如此
敢謂禮踰而情過更費屬辭韓文荀來

者吾斯進之而已矣烏
待其禮逾而情過乎
感鏤惟深鏤苦結切
鋪荼曷既集韻刻也

班固西都賦
桑麻鋪荼

代回提幹監鎮揚修職填

問一得三夙服名駒之譽

趙熹傳卿名家駒努力勉之詳見前

駢四儷六

茲窺汗馬之功

韓文駢四儷六錦心繡口蕭何傳未有汗馬之勞

得非所蒙

陳後

山詩呼我過其廬所得非所蒙

竊願有復

禮記侍坐于君子若有告者曰少問願有復也

恭惟

某官岷峨毓秀江漢濯英挺有祖風固合間於兩社

魏暮

傳贊挺挺有祖風烈左傳間於兩社為公室輔禮記注魯之外朝在庫門內東毫社西國社朝廷執政之處故

日間於兩社

裕乃父烈寧當久於諸侯

柳文皇曰咨翹裕乃父功

茲耿耿

以發矧

詩耿耿不寐錢氏曰耿耿小

已累累其綴組

漢書

印何累累詳見前

芝蘭庭下子弟正欲自佳

謝玄傳謝安戒約子姪因曰子弟亦

何豫人事而正欲使其佳玄曰譬如芝蘭玉樹欲使其生於庭階耳互見前 槐棘班中公侯

必復其始

左傳合而能固安而能殺公侯之卦也公侯子孫必復其始畢萬畢公高子孫言當復為

也公侯

某辱崇世契見顧邦交老欲荷鋤歸問南山而種

豈

陶淵明詩種豈南山下草盛豆苗稀晨興理荒穢帶月荷鋤歸

古來和鼎相期東閣

之觀梅

山谷詩古來和鼎實杜詩東閣官梅動詩興

代回許知縣

鴻祖

虞判院提幹

圭

袖賀

屣履迎門獲解塵埃之渴

屣所倚切通作躡說文舞履也徐曰足根不正納履也史

記跣躡履舞者足跟不正納也雋不疑傳躡履起迎師古曰履不著跟曰躡躡謂納履未正曳之而行言其遽

也王符傳衣不及帶
屣履出迎互見前

文書啣袖辱貽月露之篇

韓文文書啣袖

賈島詩啣袖有新詩
隋李愕上書連篇累牘不出月露之形

所慙先施之未能又覺

成章之匪報

詩雖則七裏不成報章又匪報也永以為好也

惟感千金之贈特

深十襲之藏

代回鑾路常平馬提幹

已榮○宋熙寧六年改提舉常平司主管官為幹辦

公事依

漕屬例

偏城守土曾微牧御之庸一道觀風猥被將輸之命

並見

前
亟控循牆之避

左傳三命而俯循牆而走牆謂公門循牆不敢安行也

但期接

浙而行敢意鳴謙

易鳴謙貞吉

祇深自訟

謙訟卦名

恭惟某官銅

標氣槩

漢馬援既平交趾立銅柱為漢界相傳在欽州古森洞上有援誓云銅柱折交趾滅新唐書馬

總字會元系出扶風遷安南都護獠夷安之建二銅柱於漢故處劉著唐德以明伏波之裔日南郡西有西屠

夷國援嘗經其地亦植二銅柱表漢界及北還留十餘戶於柱下至隋乃有三百餘戶悉姓馬絳帳文

章

馬融傳達生任性不拘儒者之節常坐高堂施絳紗帳前授生徒後列女樂弟子以次相傳鮮有入其室

者早收楊葉之功

史記楚有養由基者去柳葉百步而射之百發百中杜詩舊穿楊葉真自

知白樂天喜弟敏中及第詩桂折一枝先許我楊穿三葉盡驚人

尋擢桂林之第

卻說傳說

對武帝曰臣舉賢良對策為天下第一猶桂林之一枝崑山之片玉帝笑

全材孔碩迅步何

稽羅而致幕中逆占穎脫

並見前

爭令出門下行即章交

韓文諸公要人爭欲令出我門下交口薦譽之

佇軒翥以砭然

翥章恕切音與著同說文飛舉

也楚辭鸞鳥軒翥而翔班固傳三足軒翥於茂樹若霍號切皮骨相離聲或作駢莊子奏刀騞然又騞然而過

知乘除之必爾

吳趙達九宮一算之術頭乘尾除父子不相語韓詩聲名相乘除注厯象有增

減率遲速積故有乘除之法夢溪筆談云算法多門皆不離乘除唯增成一法稍異其術多不用乘除但補缺就盈而已假如欲九除者增一便是八除者增二便是但一位一因之若位數少則煩簡捷位數多則愈煩不若乘除之有常某濫叨小節甚愧同升節升卦名兩科文武之英幸

獲恩於下拜三川人物之論亦竊服於旦評所愧匹雛無

力之人莫旅萬牛回首之送

杜詩萬牛回首邱山重

區區之悃

見前

續續以言

陳後山詩聲問應須續續來

代回詹書監

淵○蓋代月湖

庶獄哀矜參聯弗績

尚書皇帝哀矜庶戮之不辜

五材飭化率屬罔

功

周禮或審曲而勢以飭五材以辨民器又頌職事十有二於邦國五曰飭材七曰化材

過辱高

情更勤下問恭惟某官有志於世用力斯文儼素韞之

倚廬

韞音畢詩庶見素韞兮我心蘊結兮揚雄傳結以倚廬孟康曰在倚廬行服三年也應劭曰漢律以

不為親行三年服不得選舉師古曰倚廬倚牆至地而為之無楣柱倚於綺反耿丹心之戀闕

范希文之守服必通時相之書

涑水紀聞范文正公服中上宰相書言朝政得

失及民間利病凡萬餘言王曾見而偉之時晏殊亦在京師薦一人為館職曾謂殊曰公知范仲淹捨不薦而

薦斯人乎

富彥國之從權宜有天子之詔

東坡富鄭公神道碑公丁

詳見前

秦國太夫人憂詔為罷春宴故事執政遇喪皆起復公

以謂金革變禮不可用於平世仁宗待公而為政五遣

使起之卒不從命天下稱焉

不然暮召

主父偃傳朝宜秦暮召入見

韓文無疾其驅天子有詔

在朝祥

禮記魯人有朝祥而莫歌者子路笑之

某久玷憲曹

唐天寶中改司刑太常伯

為憲部

又共事典

周禮六曰事典以富邦國以任百官以生萬民

會且歸矣所願

為聖人之民

詩會且歸矣無庶予子憎

愛莫助之猶幸惜天下之寶

王坦之傳初謝安愛好聲律暮功之慘不廢妓樂坦之苦諫之安遺以書坦之答曰天下之寶故為天下所惜天下之所非何為不可以天下為心乎互見前

代回詹書監

淵

八年一別瞳若可驚

瞳抽更切直視也莊子瞳若乎其後

千里尺書足然

有喜

顏氏家訓書奏尺牘千里眉目足是虛容切人行聲又喜貌莊子聞人足音足然而喜

只慙善

頌未免過情恭惟某官义手成章

唐溫庭筠才思艷麗工於小賦每入試押

官韻凡八义手而八韻成多為隣鋪假手日救數人

摘髭取第

韓詩連年收科第若摘頷下髭

民

曹補掾已小試十二牛之刀

隋開皇三年改度支為民部曾南豐制民曹上卿賈

誼傳屠牛坦一朝解十二牛而芒刃不頓詳見前

詞學問津又將垂五十牯之

餌

牯音界說文驟牛也廣韻犍牛也增韻凡畜健強者皆曰牯莊子任公子為大鈎巨緇五十牯為餌不

虞銜恤

詩無父何怙無母何恃出則銜恤入則靡至疏無父母出門則以中心銜憂旋來入門則堂宇

空曠不復覩見如行田野無有所至

猶鬱交章少須彈琴之成聲

禮記子夏既除

喪而見予之琴和之而不和彈之而不成聲作而曰哀未忘也先王制禮而弗敢過也子張既除喪而見予之琴和之而和彈之而成聲作而曰先王制禮不敢不至焉

會見積薪之居上

汲黯傳陛下用

人如積薪後來者居上東坡詩青衫莫厭百僚底白首上有千薪積詳見前

某強顏於此視

陰幾何

說文陰草陰也又陰景曰陰左傳趙孟視陰

尋有味推轂之言老夫

髦矣

見前

持受羹反錦之意執事諒之

左傳衛人使屠伯饋叔向羹與一簋

錦叔向受

羹反錦

代回饒殿幹

時亨

貳職詳刑罔功犴獄誤恩率屬遂長雉工視蔭幾何取

數多矣

竝見前

恭惟某官素材孔碩清德不腓

腓符非切避也詩小

人所腓毛傳避也

醉面春風之和良多行樂宦情秋光之薄還

動出機

東坡送潞都曹詩序非崖公在蜀有錄事參軍老病廢事公責之曰胡不歸明日求去留詩為

別其略曰秋光都似宦情薄山色不如歸意濃公留而慰薦之莊子萬物皆出於機入於機

有赫寶

儲行觀幹裕

易幹父之蠱又裕父之蠱注蠱者事也能承先軌和裕其事

某宜燕居

息而鳩僦功

見前

某水某邱所釣游會且歸矣

韓文某水某邱吾童

子時所釣游也餘見前

在阡在陌可來往亦有意與

韓文親戚之不仕與倦而

歸者不在東阡在北陌可杖屨往來也

代回饒殿幹

時亨

頭顱如此甚慙朝夕之論思

班固兩京賦序朝夕論思日月獻納

足音跬

然真成親戚之謦欬

莊子夫逃虛空者藜藿柱乎鼯鼯之逕跟位其空聞人足音跬然而

喜矣而况乎昆弟親戚之謦欬其側者乎謦苦頂切又音罄欬苦愛切一音器注謦欬喻言笑也但呼聞所好

猶大悅况骨肉之情歡之至也

輒因陳謝併賀新除恭惟某官家食其

都

易大畜不家食吉彖曰不家食吉養賢也王弼注有大畜之實以之養賢令賢者不家食乃吉也司馬相

如傳雍容閒雅甚都師

宦情未慙

王衍傳吾少無宦情隨牒推移遂至于此

古曰都閒雅之稱也

南史王微傳微素無宦情梁書何胤傳吾年已五十七月食四斗米不盡何容得有宦情文選謝靈運詩序徐幹少無宦情有箕顙之心慙疑僅切爾雅強也詩不慙遺一老箋云心不欲自彊之辭晉語慙庀州犁焉注願也

里門養望久倦游紫樞之庭

李尋傳紫宮極樞通位帝紀注紫宮天之北宮

極天之北極樞是其旋轉者

冊府辦嚴將司存白玉之牒

穆天子傳癸巳至於

羣玉之山先王所謂策府也吳漢傳每當出師朝受詔夕即引道初無辦嚴之日注嚴即裝也避明帝諱故改

之後漢書祭祀志用玉牒書藏方石牒厚五寸長尺三寸廣五寸有玉檢時以印工不能刻玉牒欲用丹漆書之會求得能刻玉者遂書

不妨遊戲

東坡詩退之仙人也遊戲於斯文

會在薦揚某宜在掛冠又此持索聊復爾耳姑出應於

俗緣

阮咸傳未能免俗聊復爾耳東坡僧圓澤傳俗緣未盡慎勿相近

歸去來兮猶可

尋於情話

歸去來兮辭悅親戚之情話

四六標準卷三十